

ترجمة الهدية الرشيدية في الاجتماع بسيد البرية والتوجه الى النفس القدسية
على صاحبها الصلاة والحيه

ياخود

مِائَةُ الشُّهُوِّ لِلْسَّيِّدِ

مؤلفي: شيخ محمد اسماعيل افندي
مترجمي: مكتوبى سرعسكرى
حضر تلى: احمد مختار

آيئة جمال جيل محمدى (عليه السلام)
وجدان پاك كوهر اهل يقين اولور

اولوز اونور اقدس مجلاى انجلا
اول دل كه آن واين الله ظلتقرين اولور
لمحرو

معارف نظارت جليله سنك ۱۱ شعبان سنه ۱۳۱۱ وفي ۵ شباط سنه ۱۳۰۹
تاريخى و ۸۲۷ نومرولى رخصتنامه سيله طبع اولمشدر


در سعادت

محمود بك مطبعه سى

۱۳۱۱



SÜLEYMANIYE G. KÜTÜPHANESİ	
Kısmı	Tekkeler - Hacı Ef.
Yıl	
Esli	248
Tasnif No.	



بِسْمِ اللَّهِ الرَّحْمَنِ الرَّحِيمِ

الهی ، فاتحه کتاب مینک ، کلمه محامد اشتمال
 الحمد لله واولین فیض تجلی جمالک اولان رسول امینک
 (لا احمی ثناء علیک انت کما اثنیت علی نفسک) مناجات
 تقدیس آموزانه سیله حمد تناهی ناپذیر عظمتکدن مددخواه
 اولنجه بوعبد حیرت شعور ، بارگاه استغناپناه عزتکه
 نصل عرض حمدو ثنا ایده یلور . الہی ، وجودی ،
 جود فطرتک . روحی ، نفخه هویتک . حیاتی ، مایه
 عنایتک . نفسی ، عطیه رحمتک . کلامی ، فضل قدرتک .
 قوای بدنی ، ودیعه عظمتک اولان بر قول قنغی لسان
 و بیان ایله دعوائی محمدتکذاری یه جسارت بولور .

جميع اثنیه و محامد ، تجلیات نهانخانه وحدتکدر . ترجمان
 حمد و شکران اولان لسان و بیان ، صنع و النہام
 بدیع الحکمتکدر . سبحانک ما اعظم شأنک

اعتراف عجز و حیرت

ذات بیچونک تنزه اعتبار درک چشم
 حمد لطفکدر تقدس پرور صنع بیان
 کیم اولور نوع بشر دن حد شناس رحمتک
 کیم بولور حمد حقوق فیضکه تاب و توان
 رحمتکدن بر کر مدر رحمتک یاد ایلیمک
 نعمتکدن بر اثر در شکر نعمت بی کمان
 حمد و شکران دهان آلود کان معصیت
 درکه لطفکدن استمداد غفراندر همان
 ایمدی بادیه پیمای سافلینکاه معصیت اولان بو
 سیه روز کار ، تعلیم ادب آموز عنایتک اولان « ربنا

ظلمنا انفسنا وان لم تغفر لنا وترحمنا لنكونن من الخاسرين
تضرع اخلاص پرورانه سيله هميشه چهره ساي خاك عجز
وعبوديت و تجلی جوی انوار جمال رحمت اولمقدن بشقه
نه ياپه بيلوز؟ نه ديدم؟ ياپه بيلورمى، هيپات! نه بيوك
دعوى! بو حال عجز اشمال دخى مجرد توفيق وهدايت
الهييه كله جلوه پيراي حصول اوله جق سعادتلردندر.
رب وفقنا لطلب مغفرتك ونيل رحمتك.

ای خداوند بیچون وچرا: نورمین جمالك، واسطه
الفيض رحمت لايزالك، محمد مصطفى عليه اشرف التحايا
عشقنه بو كوته نظر اسرار حقيقتك دیده بصیرتندن پرده
غفلتی آچ که نظر هدايت جویانه سنده « لا اله الا الله
محمد رسول الله » سر منورینك تجلی سیه کند یسی
قریرالین فلاح سرمدی وروشن نظر جمال جمیل محمدی
اولسون. ربنا انك سمیع الدعاء ربنا و تقبل دعائی.

عرض مافی البال

طلبکار جمال کدر نکاهم یا رسول الله
کسلمز سوزش حسرتله آهم یا رسول الله

امید وصلت کدر بو تعینگاه هستیده
صفای خاطر حسرت پناهیم یا رسول الله
خیال کدر همیشه نظره گاه چشم وجدانم
بود عویده ینه سنسک کو اهم یا رسول الله

بو حسرتله فدای جان ایدر سه م خاك قبرمدن
فغان ایلر چیقان هر برکیاهیم یا رسول الله
غبار کویکه یوز سورمکه شهره معنادن
غم عشقکله هر شب رو بر اهم یا رسول الله

حریم در که عرش آستان حضرتک بالذات
نولوز بر لحظه اولسه جبهه کاهیم یا رسول الله
تجلی جمال کدن او وادی مقدسده
وجودم محو اولوب بیتسه کناهیم یا رسول الله

بحق ذات باری نور فیض التفاتکله
منور قیل مدد زوی سیاهم یار رسول الله

ره عشقکده پامال فنا اولمق دیر مختار
بو حالتدر علو عز و جاهم یار رسول الله

صلوات الله وسلامه علیک وعلی آلائک الطاهرین
واصحابک القاترین بنور الیقین یار رسول الله فی کل لمحۃ ونفس
عدد ما وسعه علم الله .

تحدیث نعمت

ای واسطۃ الاستمداد کائنات ، تأیدخواہ دین مبین ،
حامی یکانہ مؤمنین . مہمساز رحمتسرای قدسیتک . خلیفۃ
عدالت منقبتک ، جہانبان دل آکام . محب اولیاء الله
برکزیدۃ سلالۃ بقا بنیان عثمانی السلطان ابن السلطان
(الغازی عبدالحمید خان) ثانی حضر تکزینک ازدیاد

عمر وشوکتی وکمال توفیق الہی یہ مظہر تی ایچون شو
صورتلہ استمداد فیض شفاعت ایلرم :

ای نور ازل ، واسطۃ رحمت مولا
ای جوہر آیینۂ اسرار تجلا

حقدن نہ دیرسہک او بولور جلوۂ امکان
ہر عرضک اولور قابل ماہیت اجرا
بالای حرمخانۂ غیب ازلیدہ
ای مظہر حق ، ایلہ مناجات وتنا

سلطان حمید الشیمک دولت وعمرین
مزداد و فراوان ایدہ خلاق برایا
ہر مقصد حکمت اثرین ایلہ آسان
ہر حکمنہ توفیقن ایدہ یاور و ہمپا

اورنک خلافتدہ ایدوب مظہر تأیید
کوکلن ایدہ انوار فیوضاتنہ مجلا
عسکرلری اولسون ظفر افروز جلادت
ہر پردہ نکونسار فلاکت اولہ اعدا

بوامت مرحومه یه بخش ایلسون الله
 مقصد بودر اول شاهی کفی الله شهیداً
 امت ده سنک خسرو عالم ده سنکدر
 خدمی دعا استمک اول شاه ایچون اما
 هنر نعمت ایچون شکره سن ایتدک بزی مأمور
 ای شارع علوی نظر ملت غرا
 اشته بزه بر نعمت حقدور او جهانبان
 شکر ایتمه در اول نعمته بر نعمت آخری
 توفیق الهی ایله اول خسرو عادل
 قیلدی یکیدن سلطنت و دولتی احیا
 احکام معالی اثر دین مبینی
 ایتکده در اقدام هم پروری اعلا
 معموره فیض اولدی زماننده جوامع
 توحیده تجلیکه نور اولدی تکایا
 معماری اطفیله او خاقان زمانک
 چوق خانقه و مسجد اولندی یکی انشا

دارالحرم اقدسکه بیت خدایه
 تعظیم شرف جوینی قابل دکل انبا
 فیض کرم و همتی کلدی فیضانه
 شاداب رفاه اولمه ده در یثرب و بطحا
 حجاج هدا پرورک اسباب حضورین
 اکماله فدا قیلمه ده در همت اوفی
 یاپدیرمغه باشلاتدی مبانی جسیمه
 حجاج سفر پیشه یه اولسون دیوه آوی
 اول ابنیه نک اعظمی مهمانسرا در
 دیگر بریدر خسته لره ملجاء و مشفا
 بو خدمت دینییه بو همت پا که
 حق عزوجل کوردی ازلدن انی اجرا
 هر همتیدر امته بر لطف الهی
 المنه لله تقدس و تعالی
 هپ امته ای نور خدا بورج دکلی
 ایتمک او شهک لازمه شکرینی اجرا

از جمله بو بیوایه بی اول خسرو عالم
 باشند ایامه ایلدی مستغرق آلاء
 شکرانه الطافه بدل اول شه دینک
 فرض اولدی دعاسی بکا لیل و نهارا
 اما که بو عاجز کی آشفته هوانک
 یوقدر یوزی حقیله بو بورجی ایده ایفا
 بو جرأتمه اولدی سبب اشته بو حالت
 احسانک ایدرمی بنی حرمانزده حاشا
 سن رحمت فیاض خداوند ازلسین
 فیض نظرکدر ابدی مقصد اقصا

بیان لازم التقدیم

نور مبین مولا ، اولین فیض تجلا علیه افضل التحیا
 افندمزنک نهانخانه رحمته روان و تمیز دیکرله دیده
 ظاهر بنیاندن نهان اولمزدن اول جمال ملکوت آرای

خدا پسندیده روشن نظر هدایت اولان بختیاران
 از لیلک «من رأی دخل الجنة» حدیث بشارت احتواسی
 وجهله شرفیاب نعمتسرای جنات و «لا تمس النار
 مسلماً رأی» خبر صحیحنک دلالت قطعیه سی وجهله
 آتش دوزخدن مظهر نجات اوله جقلری کبی عالم
 معناده و حالت بیداریده مشاهده دیدار قدسیت
 آثار یله تنویر باصره بصیرت ایدنلرکده آنلره یقین
 بر مرتبه سلامت پرورانه ده فائز فوز و سعادت
 اوله جقلرینه «من رأی فقد رأی حقاً فان الشیطان لا یتثل بی»
 حدیث شریفی دلالت ایلدیکی اتفاق حفاظ و محدثین
 و شهادت کمل عارفین ایله رهین درجه ثبوتدر .

بختیاردر ، او مؤمن پاک اعتقاد که آینه جمال الله
 افندمزنک مشاهده دیدار کونین پیراسیله قریرالین
 فوز و نجات اوله . تبریک و تسعیده شایسته در ،
 او بختیار که بویله بر تجلی حیات انجامه نائلیت ایچون

استعداد و قابلیت بوله . اوت ! اويله بر مرد کامل ،
هم بختيار همده تبریکه سزاواردر . زیرا بوسعادت
سرمدیه ، فضل مین الهی اولقله برابر شریعت غرای
احمدیه به توسل . تزکیه اخلاق . تصفیه درون . محبت
رسول الله رسوخ و ثبات وامثالی کبی ملکات
و کمالاته وابسته در هله بوبابده محبت رسول ،
اصل الاصولدر . بلکه محبت خصوصنده کمال تحققه
احتیاج واردر . ارتق بویله بر فضل واحسان الهی ايله
ممتاز و مختار و بواوصاف سعادت اتصاف ايله پیرایه دار
اولان انسان ، نصل تقدیس و تسعیده شایان اولسون .

محققدر که هر مؤمن روشندل ، اويله بر سعادت
عظمایه نائل اولمق ایستر واسباب و وسائلنده تشبث
فکرینه دوشر حالبو که بو مثللو مقاصد جلیلهیه و وصولدن
محرومیت ، اکثر یا اصول توسل و تشبثه عدم وقوف
و عرفان و یا امکان حصول مقصد امرنده نقصان

اطمئناندن نشأت ایده کلدیکی مجرب اولمسيله بو نقطه
نظر دن جمال رسول کبریا افندمرك امکان شهودی
حقنده اعلام علمای دین مین و روشنظران صدق
و یقین انارالله براهینهم الی یوم الدین حضراتنک بسط
و بیان ایلدکلری شواهد و دلائل اطمئنان آورانه بی
و بوسعادت علیایه وصول ایچون تشبث و توسل اولنمی
لازم کلان و سائل موفقیت پرورانه بی جامع اولان
آثار بر کزیده بی مطالعهیه لزوم حقیقی ترتب ایدر ،
تا که صورت مقصدک جاوه پیرای آینه حصول
اوله جفنه یقین و اطمئنان و کیفیت توجه و توسله علم
و عرفان حاصل اوله انجق بو مقصد جلیل بی عدیله دائر
جلال الدین السیوطی و امام الحافظ ابو بکر احمد بن
الحسین البیهقی و علامه احمد بن طاهر بن محمد القزوی
والشیخ ابو عبدالله محمد بن موسی النعمان و محمد بن
الابراهیم الحلبي قدس الله اسررهم حضراتی کبی کبرای

دین و عرفای اهل یقینک کتب و توالیف عدیده سی
 هپ عربی اولقله برابر نسخه لری ده نادر و کمیاب اولوب
 بونلردن اقتباس نور علم و ایقان ، یالکیز لسان بلاغت
 عنوان عربی به واقف و بونسخه لره مالک و متصرف
 اوللره انحصار ایتمش اولدینغندن هم کندی بهرهمند
 اطمئنان و انتباه همده تماشای جمال جمیل محمدی به مشتاق
 اولوب لسان عربی به واقف اولیان دین قرنداشلری می
 ان شاء الله الرحمن نتیجه بخش حصول و مرام اوله جق
 و سائلدن خیر و آگاه ایتمک اوزره توالیف جلیله
 مذکوره دن برینک لسان عذب الیسان عثمانی به نقل
 و ترجمه سیله برابر طبع و تمثیلی ارزوسنه دوشدم
 و مددکاری توفیق الهی ایله بونلرک برقاچنک
 نسخه سنی اله چکوروب نظر مطالعه دن کچوردم حقا که
 هر بری امکان رؤیت رسول الله علیه صلواة الاله
 حقنده حکمت آرای صدور اولان احادیث سنیه

سید المرسلینی و اولبابده کی دلائل و شواهد علما
 و عارفینی جامع و بومسئله مقدسه ده افسرده دلان
 طبیعت و کوتهنظران حقیقتک وقوعه کلش اولان انکار
 و اعتراضلرینه قارشو دخی برر سیف قاطع اولوب
 شوقدرکه مرشد حقیقت آگاه عارف بالله شیخ اسماعیل
 نواب نفعنا الله به حضر تلرینک (هدیه الرشیدییه فی الاجتماع
 بسید البریه والتوجه الی النفس القدسیه) عنوانیله تألیف
 ایدوب محرر بمقداره ارسال ایلدیکی رساله امام سیوطی
 قدس الله سره و امثالی کمل اولیاء اللهک تألیف لرنده کی ادله
 و براهینه مرآت انکشاف و نور بصیرتدن محروم اولان
 منکرین و معاندینک سواد شکوک و اعتراضاتندن پاک
 و صاف اولقله برابر دیگر بعض فوائد عظیمه بی ده متضمن
 اولدینغندن انک ترجمه سی حالنده توالیف جلیله مذکوره نک
 کافه سی ترجمه ایدلش دینک اوله جنی حیثیته عجز و نقصانی
 معترف و فضل و توفیق الهیدن مغترف اولدینم حالده

رسالة مباحث عن ابي بالترجمة فيوضات قدسية محمدية نك
 فيضانه نعم الفال اولق حيثيله مطلع الانوار توفيقات كردكار
 وبومثلر آثار منورة دينيه به تجليگاه انتشار اولان عصر
 همايون كمالات مشحون حضرت خلافتناهي به يادكار
 ايلدم وما توفيق الا بالله

(محمود بك) مطبعه سي

باب عالی جوارنده ابوالسعود جاده سنده نومرو ٧٢

١٣١١

و تقدس حضرت تیرینک ذات الاهی علویت تناهی نابذیر ایله
تزهیرور اعتلا و عظمت اسماء سبحانیه و جلالت صفات ربانیه سی
افراد بشردن کیمسه ایچون مطمع نظر احاطه اوله میسه جق
درجه ده متعظم و بالادر .

توصیف اسماء و صفات الاهی سنده السن و افهام کائنات ،
کلیل و قاصر و راسخدم علم و کلام اولئر دخی نائل مقصد و مرام
اولمقدن اظهار عجز ایله صدیق اکبر رضی الله عنہک « الْعَجْزُ عَنْ دَرَكِ
الْاَدْرَاكِ اَدْرَاكِ » قول حقیقت بیاتی قائل اوله رق جمله سی وادی
بهت و حیرتده دائر و سائر در .

اسماء حسنا و صفات علیای ربانیه سندن بریده صفت بدیهه
علمدرکه بوندن بر ذره سنی « وَلَقَدْ كَرَّمْنَا بَنِي آدَمَ » تبشیر الاهی
وجهله تکریم و تشریف ایتدیکی نوع بشره تقسیم بیوردی .

بو ذره علمدن انسانلرک هر صنفی هر بر عصرده علملره
حیرت و یردجک و بر چوق شعبه و قسملره انقسام و انبساطی حسنیله
حصر و ضبطنه امکان بولنه میسه جق درجه ده درلودرلو علملره
نائل اولدی و صنوف بشردن هر صنفه حکمت ربانیه سنک اقتضا
ایتدیکی صورتده تقسیم و تخصیص ایلدیکی علمدن صنف دیگرک
حرمان و انکاردن غیری نصیب و بهره سی اولمدیغی حالده
هر صنفی احسان و عطا بیوردیغی علمه قانع و راضی قیلدی .

جناب واجب الوجودی تسبیح و تقدیس ایلرم که قوللرینک
ارالریغی عقلاً و علماً متساوی قیام اقله برابر جمله سی بولندقلری
طبقات متفاوتده کی حال و شانلرندن خشنود و ارضا بیورمشدر .



بسم الله الرحمن الرحيم

حمد و ثنای بی پایان ، باری تعالی و تقدس حضرت تیرینک بارگاه
عظمت و الوهیتنه شایاندرکه محض احسان و الهام الاهی اولان
علوم لدنیه و معارف سنیه بی امت مرحومه محمدیه به تخصیص
ایلدی و بو سعادتمندان ازلی نه « وَمَنْ يُؤْتِ الْحِكْمَةَ فَقَدْ أُوتِيَ خَيْرًا
كَثِيرًا » حقیقت نظریه و عملیه سندن بهره دار سعادت و بعضی
بعضنه دستداده مظاهره اولان علماء راسخین و حکماء کاملین
ایله مدد و عنایت بیوردی . و یوز بیکلرجه صلاة و سلام ، ایکی
جهان کونشی . تنی هاشمی قرشی . نور تجلیخانه لی مع الله .
خیب ادیب کبریا محمد رسول الله صلی الله علیه و سلم اقدمزه
شایسته اهدادرکه نور فیاض ارشادی ، امت مرحومه سنی سرا
پرده حرمخانه توحیده ایصال ایچون سراج منیر هدایت اولدی .
و تحیات رحمت انجم ، آل سعادتمال و احباب قدسیت اشمالنه
ارزان اولسون که هربری حکم و اسرار نبویه سندن نشوویاب
فوز کیر اولدیغی حالده حکمت آموز افراد امت اولمق مزیت
فاخره رحمتپوریه امتیاز عظیم بولدی .

اما بعد . معلوم روشند لان ایمان و عرفاندرکه الله تعالی

بني آدمك هپسك بحربي پايان علم آلهي سندن نائل اولدقلى
شيء ، فيضياب تعاليم صمداني حضرت خضر عليه السلامك كلم الله
موسى عليه السلامه خطاباً « مَا تَقْصُ عَلَيَّ وَعِلْمُكَ مِنْ عِلْمِ اللَّهِ
الْأَكْمَلُ تَقْصُ مِنْ قَارِ الْعَصْفُورِ مِنَ الْبَحْرِ » يعنى يا بنى الله ، بنم عاممله
سنتك علمك علم الهى به نسبتله سرچه نك غاغه سياه دكزدن
اكستديكى صوقدردر . ديديكى سوزك ماصدقيدر .

جناب علم لايزالك انبياء كرام ورسل عظامنه وانلرك اتباع
واجب الاحترامنه وخصوصيه مظهر وحى خدا محمد مصطفى
صلى الله عليه وسلم اقدمزه وطريق سلامت انجام نبوي سنه تابع
اولان علماء راسخين وحكماء كاملينه تقسيم واحسان بيورديني
علم ، اعظم تقاسيم آلهي سندن اولمسيه بوي پرايه داران سعادت
ازليه نك هر برى علم ودانشدن وسعت وقابليت فطريه لرينه
نسبتله درجات متفاوته اوزره بهره عرفان وكال بولدى . بوحيثيته
انلردن بر طائفه نك مجلاى اختصاص اولديني احوال عظيمه
واسرار فخيمه طائفه ديكر آينه استعدادلرنده جلوه پيراي
انكشاف اولدى ، بلكه حضرت موسى وخضر عليهما السلامك
ارده لرنده حكمت آراى وقوع اولان تباین حقيقت آموز قيلندن
اولمق اوزره بعض كره هر طائفه ديكرينك احوال واسراريني
قبول وتصديقه صورت نماى اختلاف اولدى . مع هذا بو اختلاف
وانكار ، هرايكى طائفه نك جلال قدر وشانه منافي وهر ايكى
طرفك رأى ودعوا سندن برينك ضعف وبطالاتى مقتضى دكلدر .

كوررسين كه هر بر عصر اهالي سى مذهبلى متحد ومشربرى
يكديكرندن غير متباعد اولديني خالده احوال عليه ومعارف سنيه
مبحوثه دن نائل اولدقلى شیده كنديلريني مستقل كوردكلرندن
طولاي اتدن اولكى عصر اهالي سنىك اوشيئه ناايتلريني انكار
واستبعاد ايدرلر . مع هذا حقيقت خالده انلرده اومذهب ومشررب
اصحابنددرلر . بلكه بر عصر ايچنده ديار مختلفه ده دهاطوغريسي
بر مملكت ايچنده علوم متفاوته ومختلفه بولورسين بلكه بر مذهب
ومشربرده بولسان ايكى شخصه معارف وعلومده متفق اولمق
اوزره يك آز مصادف اولورسين . بوتفاوت واختلاف . وسعت
علم سبحانى وبديع فعل يزدا نيسنه آيت وبرهاندر ، سبحانه
ما اعظم شانه .

﴿ شعر ﴾

وعلى تفنن واصفيه بوصفه يفنى الزمان وفيه الم يوصف

معناى حقيقت احتواسى : جنساب بديع مطاقتك واصفان
عظمت و شان و ثنا كذاران كالات بي پايانى وصف و ثنائى آلهي سنده
درلو درلو الفاظ بديعة المعانى ايله صحائف طراز تعظيم والسنه پيراي
تقدیس اولدقلى خالده زمان بتوب توكونور وبسبتون فنا بولورده
ينه ذات وصفات اقدسنده وصف اولمقدق لاتعد ولا تحصى جلال
وكالات باقى دايير ، ذيكدر .

ایمدی هر صاحب درایت و انصاف. خیرایله مشهور و معروف
اولان قرون ماضیه نك اقوال و احوالی در پیش نظر تأمل
ایدرسه شو ذکر و بیان ایتدیکم حقیقه شواهد صدق و صواب
بولور.

حقیقت کوی سرائر دین مبین علیه صلوٰۃ المعین افندمن
« ان من العلم کهیئة المسکون لا یعرفه الا العلماء بالله فاذا
ذکره انکره اهل الغرة بالله » بیورمشدرکه خلاصه مال

منیفی، تحقیق عاملردن کیزلی بر علم جایل واردزکه انجق عرفان
پرور حق یعنی الله تعالی حضرتلرینی بیلمکه موفق اوللربیلیر،
انلر او علم مکنونی ذکر و بیان ایتدکلری وقتده باری تعالی
و تقدس حضرتلرندن غافل اوللر رد و انکار ایدر، دیمکدر.

ابوهریره رضی الله عنه دخی « اخذت من رسول الله

صلی الله علیه وسلم وعائین من العلم اما الوعاء الاول فبیئته
فیکم واما الوعاء الثانی فلو بیئته لقطع منی هذا البعوم »

دیمشدرکه مفهوم عالینی : رسول اکرم صلی الله علیه وسلم
افندمزدن ایکی یوک علم آلدیم. بزنجی یوکنی ایچکزه یایدیم.
ایکنجی یوکنی نشر ایتمش اولسه یدیم نیم شو بوغازم کیلورایدی.

علی ابن الحسین رضی الله عنهما حضرتلریده « یارب

جوهر علم لوابوح به = لقیل لی انت ممن یعبدالوثنأ «
بیورمشدرکه منطوق منیفی : نیجه جوهر علم واردزکه اگر
آنی فاش و اظهار ایتمش اولسه بکا « سن بته طایانلردن سین »
دینلور ایدی. دیمکدر.

ایمدی هادی مطلق جلّت عظمته حضرتلرینک بوامت
عالیه احمدیه به احسان بیوردینی نعمتلك اعظملرندن بریده علم
تصوف و طریقت صوفیه درکه بو علم و طریقت، حضرات قدسیه
و مقامات انسیه به واسطه وصاتدرنته کیم حجة الاسلام ابو حامد
الغزالی رضی الله عنه الباری « المتقذ من الضلال » عنوانلی کتابنده
دیورکه : بن وقتا که علوم آلیه و عالیهدن فراغت ایلدم، همت
کلیه مله طریق صوفیه به یونلدم بو طریقو سلو کمدن صکره علم الیقین
بیلدم که، اصل سالك طریق حق اوللر، صوفیه کرامدر.
زیرا انلرک سیرتی، سیرتلك الك کوزلی. طریقلری، طرق
سعادتك احسن و افضل. خویلری ده اخلاق حسنه نك ازکی
واکلیدر. بلکه عقلانک عقل و همتی، حکمانک فکر و حکمتی،
سرائر شناسان شرع متین اولان علمانک علم و معرفتی، صوفیه نك
سیر و اخلاقندن برشیتی اندن دها خیرلیسنه تبدیل و تغیر ایچون
آجتاع و اتقای ایتمش اولسه بوکا امکان بولسه مازایدی. ایشته
صوفیه کرام عدو احصایه کلز مشربلرده بولنقله برابر اساس
مقصدلرینی تصفیة بواطنه و تطهیر سرائره بنا یعنی باطنلرینی
هر درلو فنا خویلردن تمیزلمکه، قابیلرینی تعلقات شهوانیه دن

ساده لشیر مکہ اعتنا ایلدیلر . نته کیم سیدالوجود صلی الله علیه
وسلم اقدمز « ان فی الجسد مضغة اذا صلحت صلح الجسد

کله فاذا فسدت فسد الجسد کله الا وهی القلب »

بیور مشدر که معنای حکمت احتواسی: جسد انسانیده برات پارچه سی
واردر؛ او ات پارچه سی صالح اولدینی و قتده جسدک هپی
صالح اولور؛ فاسد اولدینی و قتده سرپای جسد فساد بولور؛
آگاه اولک که اوات پارچه سی قلب انسانیدر . دیمک اولدینغه
نظر آصوفیه حضراتی بو حدیث شریفک حکم جلیانی دستور العمل
اتخاذ ایتدیلر و همت کلیه لرینی حق سبحانه و تعالی حضرت تدرینه
حصر و تعلیق ایله نظر میل و رغبت لرینی غیر الله بدن قالدیردیلر
و طریق لرینی ذکر، فکر، آزیملک، آز او یومق، آرزو یلمک،
خلاقدن چکنمک کبی مبانی سلامت معانی اوزرینه تأسیس
قیلدیلر. مشارالیه بوسورتله منتهای همت لرینی ماسوادن قالدیروب
باری تعالی و تقدس حضرت تدرینه حصر ایدنجه جناب عالم السر
والخفیات حضرت تدریده آنلری هر کسدن زیاده بوصفت علیه
علمیه دن بهره مند عرفان ایلدی و علوم شریفه دن کندی صفات
ربانیه و اسماء سنیه سنه تعلق ایدن علمه مظهر و مطاع قیلدی .
و وراثت علوم انبیا و مرسانینی کنیدلرینه تخصیص قلوب عجائب
اسرار ملک و ملکوتندن تحت حصزه داخل اوله میه جق شیری
کنیدلرینه کوستردی .

﴿ افاده مخصوصه ﴾

وقتا که جناب رب منان بومستند ضعیفی . انسان عین
وجود . امام عرفان پروران کشف و شهود تلمیذ امام ربانی
قطب محقق رحمانی شیخ کاهلم سیدم ابراهیم الرشید قدس الله
سره حضرتلرینک شرف صحبت و ملاقاتیله منتدار احسان
بیوردی . مشارالیه هر ممکن اولان شیده سنت جلیله
رسالتپناهی به اتباعی حیثیتیه اخلاقی ، اخلاق جلیله ، مصطفی
وسیرتی سیرت اصحاب توحید و صفا بولدم . طریقنی ده طریقته
سادات شاذلیه اولمق اوزره تاقی ایلدم . آنجق کنیدی
طریقته مسلوکه سنی مرشد کامل و مکملی قطب دائرة تقدیس
سید احمد ابن ادریس رضی الله عنه نسبتله طریقته احمدیه
تسمیه ایدردی . زیرا هادی کل صلی الله علیه وسلم اقدمز
سید احمد ابن ادریس قدس الله سره النفیس حضرتلرینی اذکار
مخصوصه ایله فیضیاب اختصاص و امتیاز بیورمش و اذکار
مذکورره ایله دعوت الی الله مأمور و مأذون ایتمش ایدی
واحزاب شریفه کبی مثلی سبق ایتماش بر نعمت عظیمه ایله
بهره دار سعادت قیلمشده که احزاب مذکورمه نک عظمت شانی
تقدیر ایچون الفاظ و معانیسنک تأمل و تفکری و آنی حضور
قلب ایله تلاوت ایدنلر ایچون آتیده ذکر ایده جکمز صلاة
عظیمیه نک اشارتی وجهله مجلای تجلی خدا رسول الله صلی الله
علیه اقدمزله شرف اجتماع و ملاقاتک تیسری کفایت ایدر .

﴿ فاتحه مقصود ﴾

نور عین وجود و باعث ایجاد هر موجود . حیب ادیب
 آلهی صلی الله علیه وسلم . اقدمزك جمال جیلنی او یقوده
 او یانقاده کورمه موق اولق هر مؤمن ایچون اك بیوك
 سعادتلردن اولدینی حالده اكثر دیارده بوسعادت ابدیه نائل
 و بلکه یا عدم وقوف و عرفان و یا خود انکار افسرده دلان
 مانعه سیله بوشهود نجات انجارك وسائل مغویه حصوله متوسل
 و مائل اولان بختیاران بك آز اولقله برابر مرأت جمال حق
 اقدمزك حالت یقظه ده کوریه بیله چکی مسئله سنده عقول فحول
 بیله برنوع استبعاد و انکار شائبه سندن مصون اولدیقتی کورنجه
 شیخم رضی الله عنہك رؤیت سید اعظم صلی الله علیه وسلم
 متعلق اولان سوزلرندن بر نبذه سنك جمع و تلفیقی ارزوسنه
 دوشدم . تا که طالب حق و یقین اولنلره اولبابده کی دلائل
 قویه ظاهر و نمایان اوله و منصف اولان منکرلرك انکار
 و عنادی و مستبعدلرك استبعادی زوال بوله ، امید ایلرم که بو وسیله
 ایله خدمه طریقت علیه سندن صاییلورم و زمرة خواص محینی
 اره سنده محشور اولورم اوارزونك نتیجه فعلیه سی اولق
 اوزره بورساله بی تحریر و ترقیم و « الهدیه الرشیدیه فی الاجتماع
 بسید البریه والتوجه الى النفس القدسیه علی صاحبها الصلاة
 والتحیه » نامیه بالتوسیم اوج باب و بر خاتمه یه تقسیم ایلدم .

﴿ باب اول ﴾

باعث آفرینش عالم صلی الله علیه وسلم اقدمزك مشاهد
 جمال باکمال رسالتینا هیلرینك احادیث نبویه واقوال مشاهیر
 سادات صوفیه دلالتیه عقلاً و نقلاً امکان حصولی و سادات
 مشار الیهمدن اکثرینك بوسعادتیه کیفیت اقتران و وصولی
 متضمندر .

بوسعادت سرمدیه نك عقلاً حصولی بحثه کلنجه هر کس
 کندی نفسندن بیلور و هر عاقل اعمال فکر ایتدیکی حالده تعقل
 ایدر که انسان بر شیئی زیاده تذکر و تصور ایدنجه و خصوصیه
 محبت فوق العاده ایله سونجه تماشاکاه روح روانی اولان عالم
 رؤیاده بهمه حال کورر . زیرا محبتك قوه و اهمه اوزرینه قدرت
 قاهره و قوت عظیمه باهره سی واردر . حتی مرویدر که بر آدم
 اولیاء الله دن بر ذاتك حضورینه کلوب مظهر جمال مولا علیه
 افضل التحایا اقدمزی رؤیاده کورمك ایستدیکی حالده موق
 اوله مدیغندن بختله شکایت و طلب همت ایلدی اودات « بوکیجه
 طوزلی بالق اکل ایله . لکن اوزرینه صو ایچمه » جوانی
 و یردی . او آدنده او یله یایدی . صباح اولنجه ولی مشار الیه
 او آدمه : « بوکیجه نه لر کوردك ؟ » دیه صوردی . « برچوق
 صوبارداقلری ، چاپلر ، صولر کوردم . » جوانی الدی .
 « بو یله شیلری هرکیجه کوررمی ایدك ؟ » سؤالی ایراد ایدوب

اوده « خیر ! یالکز بوکیجه کوردم . زیرا طوزلی بالقدن زیاده صوصامش ایدم . » دینجه « ای قرداشم ! اگر ماء الحیاء جمال رسول الله تشنه لب حسرت اولمش یعنی صوصامش اولسه ایدک البتہ آنیده کورردک ! » خطابیه نور خلوتخانه یزدانی صلی الله علیه وسلم اقدمزک مشاهده دیدار فیض آثاری کندیسنه زیاده محبت و اشتیاق و حسرت و متوقف اولدیغنی اکلاتدی . ایشته بویله بر محبت تعاضم و ترقی ایدنجه محب صادق، نظر ظاهر بیتدن نهان اولان سوکیلیسنی باش کوز یله کوررجه سنه دانما پیش نظر خیالنده تجسم ایتمش کورر نته کیم بوحال تواتر طریقاه بعض عشاقدن مرویدر و بن بر ترزی بیایر مکه عاشق ایدی سوزینه اعتماد ایتدیکم ارقداشی بکا حکایه ایتدی که کندیسنی اجرای صنعت ایدرکن بیله سوکیلیسنی ایکنه سنک دلیکنده کورردی ارتق تأمل ایتکه فیض محبت نه بیوک بر سر حکمتدر .

روشن نظر جمال محمدی اولمق امکانک نقلاً ثبوتنه دلیل و برهان دخی سیدالوجود صلی الله علیه وسلم اقدمزک « هرکیم بنی رؤیاده کوررسه حقیقته کورمش اولور . زیرا شیطان بنم صورتمه کیره من » مضبوطی متضمن اولان « من رأی فقد

رأی حقاً فان الشیطان لا یمثل لی » قول حقیقت مألیدر .

برده صحیح بخاری و مسلمده و سنن ابی داودده ابو هریره رضی الله عنهدن روایة صحیفه زیب سطور اولوب « هرکیم بنی

عالم منامده کوررسه البتہ حالت یقظهده کوره جکدر » تبشیر عالینسی حاوی اولان « من رأی فی المنام فیسیرانی فی الیقظة » حدیث حکمت اشتمالیدر .

بومبحث عالیده جلال الدین السیوطی علیه الرحمة « تنویر الحاک فی اثبات رؤیة اثبی و المملک » نامیه بر رساله مستقله سی اولدیقندن مقصود مزنی تأییداً رساله مبحوته نک بعض مباحثی بر وجه زیر آرایش صحیفه اعتبار ایلدک .

مؤلف مشار الیه رساله مذکورده سنده رؤیت سعادت انجام نبوی حقنده اوزون اوزادی یه ایراد دلائل ایتدکدن صکره بیوررکه صحابه کرامدن برندن (ظن ایدر مکه ابن عباس رضی الله عنهما حضرتلرندن) مرویدرکه کندیسنی آینه جمال حق صلی الله علیه وسلم اقدمزنی عالم منامده مشاهده ایدنجه —

« من رأی فی المنام فیسیرانی فی الیقظة » حدیث شریفنی تخطر

مایدرک حبیب کبریا علیه افضل التحایا اقدمزک اویقوده کورلیدیکی کی اویانقائده فصل کور یله بیاه جکنی دوشونمکه باشادی .

بوتفکرله ازواج طاهر اتدن تیزدسی میمونه رضی الله عنهمانک حرمرای عصمته کلوب کیفیت رؤیایی و کندی تفکر

و ملاحظه سنی حکایه ایلادی . در حال عصمتیناه مشارالیه ایاغه

قالقه رق صلی الله علیه وسلم اقدمزک استعمال بیوردیغنی آینه بنی

ابن عباس رضی الله عنهمانک دست تعظیمه ویردی . مشارالیه

دیشکه: وقتا که مرآت جلیل محمدی به نظر صالدم صفحه تابناکنده
جمال با کمال رسالتناهی بی مشاهده ایدوب کندی نفسمک
صورتی کوره مدم . اتسی .

وینه رسالهٔ مبحوئه ده شیخ صفی الدین ابن ابی منصورک
رساله سندن وعیف الدین الیافینک روض الریا حینندن نقلاً
مذکوردرکه شیوخ عارفینک مقتداسی واهل زمانسک برکت
فیض احتواسی ابو عبدالله القرشی حکایه ایتشد رکه: دیار مصریه ده
غلاء کیر تأثر بخش کیر وصغیر اولنجبه بارگاه کبریا پناه
ارحم الراحمین وجهه دار تضرع و نیاز اولدم، بکاهاتندن ندا اولندیکه:
یهوده یالوارمه، بو باده سزدن هیچ بریکزک دعاسی . مقبول
الهی اولماز . انک اوزرینه شام شریفه سفر ایلدم . وقتا که خلیل
رب رحیم جناب ابراهیم علیه السلامک روضه مقدسه سنه یقین
بر محله واردم . جناب خلیل علی نبینا وعلیه صلوٰۃ الجلیل بنی
قارشولدی . دیدم که: « یارسول الله ، نعمتسرای الطافکده
بکا ویره جکک ضیافه بدل اهل مصره دعا بیور . » بونیازمک
اوزرینه اهل مصره دعا خوان اولدی . جناب مجیب السائلین
بودعا برکتیله دیار مصردن بلاء قحط و غلابی دفع ایلدی . یافعی
رحمة الله علیه رساله سنده بوقصه محققه بی بسط ایلدکن صکره
دیورکه: شیخ کیر مشارالیهک « خلیل علیه السلام بنی قارشولدی »
سوزی ، قول حقدر . بوسوزی انجق انبیاء عظام علیهم السلام
واولیاء کرامه تجلی نما اولان احوالک حقیقت و ماهیتی عارف
اولان از بابی بیلور . که مشارالیهم حضراتی و احوال ایچنده

مستغرق ایکن . ملکوت سماوات وارضینی مشاهده ایدرلر .
وانبیاء عظامی ذی حیات و غیراموات اولدقلری حالده کوررلر .
نته کیم اعتلا پیرای مقام اوادنی علیه افضل التحایا اقدمز ،
لیله مقدسه معراجده حضرت موسی علیه السلامی روی زمینده
سناحه نشین حیات کورمش ایکن ، مؤخرآ عوالم علویه ده کړک
اونبی ذیشانی وکړک انبیای عظامدن برجماعت فیض افشانی
مشاهده بیوروب انلره مخاطباتده بولتشد ،

انبیای عظامدن معجزه اوله رق صدوری جائز اولان احوال
وافعالک عدم تحدی شرطیه اولیاء کرامدن کرامت اوله رق
ظهورینک جوازی ایسه شرعاً مقرر و مثبتدر .

شیخ سراج الدین ابن الملتن قدس الله سره طبقات اولیاسنده
خوٹ اعظم عبدالقادر الکیلانی رضی الله عنهدن روایهٔ دیورکه:
مرشد حقائق آموز عالم صلی الله علیه وسلم اقدمزی اولیه نمازنی
ادا ایتزدن اول کوردم . بکابیوردی که: ای اوغاجغزم ، نیچون
دهنکشای نصیح وارشاد اولیورسین؟ جواباً دیدم که یارسول الله،
بن کوچک بر آدمم . فصیحاء بغداده قارشی نصل اغزاچوب بحث
وتکلم ایدم بیلورم . انک اوزرینه « آغزیکی آج » بیوردی . بنده
آچدم . یدی دفعه اغزیمک ایچنه کلاب افشان نفیحه فیض
اولدقدن صکره ناسه اجرای پند و نصیحت وانلری رب کریمکک
یولنه حکمتله و موعظهٔ حسنه ایله دعوت ایت دیدی . بنده نمازی ادا
ایتدکن صکره موقع وعظه او تورددم . برچوق خلق اطرافی
آلدی . لکن بکا سوز سویلیه میه جک صورتده طوتقوناق کادی .

بو حالت بهت و حیرتده ایکن حضرت علی رضی الله عنہی مسجد شریف ایچنده قارشومده قائم کوردم . بکا دیدی که : « ای اوغلم ، نیچون سوز سویلمیورسین ؟ » جواباً : « ای پدر عالقدرم ، بکا بهت و حیرت عارض اولدی » دینجه اغزیمی اچقماغمی . امر ایدوب امری موجبجه آچدم . الی کره اوفوردی . « نیچون یدنجی به اکال بیورمدیکز ؟ » دیدم . « رسول الله صلی الله علیه وسلم اقدمزدن تأدباً اکال ایتدم » دیو کوزیمک او کندن نهان اولدی در حال لسانمه طلاق کلوب :

« غواص الفکر یغوص فی بحر القاب علی درر المعارف »

فیستخرجها الی ساحل الصدر فینادی علیها سمسار ترجمان

اللسان فتشتري بنفائس اثمان حسن الطاعة فی بیوت اذن الله

ان ترفع » یعنی غواص فکر انسانی کوکل دریاسنده کی درر

معارف اوزرینه طالب انلری ساحل صدره چیقارد سمسار

ترجمان لسانده صائمق ایچون ندایه باشلار . او معرفت اینجولری

ایسه « فی بیوت اذن الله ان ترفع ویذکر فیها اسمه »

سر جایلمه مظهر اولان عبادتخانه لردیه قزانیلان نفائس اثمان حسن طاعتله صاتون اله بیلور . « مقدمه سیله دهنکشای وعظ وارشاد اولمغه بسمله خوان شروع اولدم . انتهى

ینه مذکور طبقات اولیاده شیخ خلیفه ابن موسی رضی الله عنہک ترجمه خالنده مسطوردرکه مشار الیه شیخ خلیفه اویقوسنده اویانقاغنده رسول الله صلی الله علیه وسلم اقدمزنی جوق کوردی . حتی مشار الیهک اکثر افعالی یا حالت یقظهده ویا حال نومده صلی الله علیه وسلم اقدمزدن تلقی ایتدیکی اوامر جلیله مبتنی ایمش . برکیجه ایچنده یکر می یدی دفعه قریب العین جمال جمیل محمدی اولوب بونلردن برنده رحمة اللامین اقدمز اکا دیدی که : « یا خلیفه بندن مضطرب و متزعج اولمه که اولیادن نیجه لری حسرت رؤیتله ترک حیات ایلدیلر . »

﴿ تضرع و تحسر ﴾

جالك مطلع نور خدادار یار رسول الله

جینک صبح قیاض هدادار یار رسول الله

سنی کورمک قدر دولت اولور می اهل ایمانه

بود دولت مدولت هر دو سیرادر یار رسول الله

شهود لم یزلدر رؤیت دیدار رخشانک

یوزک نور بدیع کبریا در یار رسول الله

کمال اموی دخی « الطالع السعید » نام کتابنده ابی یحیی ابن

الشافعیثک اصحابندن اخیمده مقیم بولان شیخ الصفی ابی عبدالله

محمد ابن یحیی الانبوانی تک ترجمه خالنده بو ذاتک صلاح حال الیه شهرتتی و مکاشفات و کراماته مظهریتتی بیاندن و ابن دقیق المعید

وابن النعمان وقطب قسطلانی کی مشاہیر کرامک مشارالہدن کتابت حدیث ایلدکلرینی درمیاندن صکرہ شیخ مشارالہک مظهر جمال حق صلی اللہ علیہ وسلم اقدمزک دیدار مبارکینی مشاہدہ ایلہ روشن نظر فیوضات وعلیہ الصلاة والسلام اقدمزلہ شرفیاب صحبت و ملاقات اولمتدہ بولندیغنی ذکر و افادہ ایلدیکنی درج و حکایہ ایلمشدر : شیخ عبدالغفار ابن نوح القوصی . کتاب توحیدندہ بیان ایلدیکہ مشارالہ ابو عبد اللہ الاسوانی خبر و یرر ایمش کہ کنیدی ہر ساعتہ سیدالوجود صلی اللہ علیہ وسلم اقدمزی کورر و حتی اعرف الانبیا اقدمزدن ہر ساعت اقتباس ایلدیکی انوار علومدن یانندہ بولنانلدی بہرہ دار عرفان ایلر ایدی ینہ مذکور کتاب توحیددہ مسطوردر کہ شیخ ابوالعباس المرسی قدس اللہ سرہ الانور صلی اللہ علیہ وسلم اقدمزلہ وصلت دائمہ بہ مظهر ایدی . سلام و یردیکی وقتدہ فخر کائنات اقدمز اعادہ سلام و کنیدیسلہ تعاطی کلام بیورر ایدی .

شیخ تاج الدین ابن عطاء اللہ الاسکندرانی نفعا اللہ بہ لطائف المتندہ ذکر ایلدیکہ : بر آدم شیخ ابوالعباس المرسی حضرت تلرینک یاننہ کلوب ، ای عارف کامل بنملہ شو الکزلہ مصافحہ بیوریکز زیرا سز بر جوق یرلر کزوب بر جوق رجال اللہ ایلہ کورشدیکز دینجہ « واللہ بواللہ رسول اللہ علیہ الصلاة والسلام اقدمزک غیر یسلہ مصافحہ ایتدم » جوابی و یرمشدر . و ینہ عارف مشارالہ دیمشدر کہ اگر حبیب کبریا علیہ افضل التحایا اقدمزک جمال با کمالی بر لحظہ کور مامش اولسہم کنیدیغنی تمسکیندن صایماز ایدم .

شیخ صفی الدین ابن ابی منصور کندی رسالہ سندہ و شیخ عبدالغفار دخی کتاب توحیدندہ یازمشدر کہ شیخ ابوالعباس الطنجی قدس سرہ شیخ ابی الحسنہ خبر و یرمش کہ طریقت جلیلہ صوفیہ بہ سلوک ایچون وقتا کہ غوث اعظم احمد الرفاعی قدس اللہ سرہ السامی حضرت تلرینک حضور فیضا فیض عرفانہ کلدیم . مشارالہ « بن سنک شیخک دکم . شیخک » قنا « دینلان محلدہ ساکن عبدالرحیمدر . اورایہ کیت . » امرینی و یردی . همان محل مذکورہ سفر ایتدم و شیخ عبدالرحیم حضرت تلرینک یاننہ کیردم . مشارالہ بنی کورنجہ : « رسول اللہ علیہ الصلاة والسلام اقدمزی معرفت تامہ ایلہ بیلدکی ؟ » دیہ صوردی . خیر دیدم . « اویلہ ایسہ نور وجود سہاوات وارضین صلی اللہ تعالیٰ علیہ وسلم اقدمزی بیلوب اوکرنمک ایچون بیت مقدسہ کیت » دیدی . در حال بیت مقدسہ کیتدم . وقتا کہ مسجد اقصانک آستانہ ایاغمی قویدم . یرلری ، کوکلری ، عرشی ، کرنسی بی ، رسول اللہ صلی اللہ علیہ وسلم اقدمزلہ طولو کوردم . همان شیخ مشارالہ رجوع ایلدم . تکرار « حبیب کبریا علیہ کمل التحایا بیلدکی ؟ » سؤالی ایراد ایلدی . اوت ! دیدم : « ایشته شمدی طریقتک کمال بولدی . زیرا اقطابک قطیتی ، اوتادک و تدیتی ، اولیانک ولایتی انجق رسول اللہ صلی اللہ علیہ وسلم اقدمزی بیلمکلہ حاصل اولور . » بیوردی .

ینہ مشارالہ شیخ صفی الدین رسالہ مبحوثہ سندہ شیخ ابوالعباس الحداد قدس سرہ حضرت تلرینک روایہ یازمش کہ

بر کره حکمت نمای اسرار « ن والقلم » صلی الله تعالی علیه وسلم
اقدامك حضور قدسیتنا هیلرینه شرفیاب مشول اولدم. کندینسی
اولیاء اللہک ولایت منشور لرینی یازار بولدم حتی او هنکام
قدسیت انسامده قرنداشم محمد دخی بر منشور ولایت یازدی .

مؤلف رساله دیورکه مشارالیه شیخ ابوالعباسک برادر
اکابر اولیاء اللهدن ایدی. یوزنده کیمه نك کوزندن کیزلنه میه جک
درجه ده پارل پارل یارلیان بر نور ، کندینسک ولی اولدیغه شبه
براقیور ایدی . حتی بو نورک سبب و حقیقتی بالذات کندینسندن
صوردم . جواباً دیدی که « نور مبین الہی صلی الله علیه وسلم اقدام
بر کره یوزیمه او فوردی . ایشته بو نور . اونقخه قدسیه نك اثره نوریدر .
ینه مؤلف رساله دیمش که اجله احباب قرشیدن شیخ جلیل و کیر
ابو عبدالله القرطبی ایلہ بالذات ملاقات ایلدم . که مشارالیه اکثراً
مدینه منوره علی صاحبها افضل التحیة ده اقامت ایدر و سیدالوجود
صلی الله علیه وسلم اقدام مزایه آرہ لرندہ ملاقات و مخاطبات و رد سلام
کبی حالات جزیان ایلر ایدی و سرور انبیا علیه افضل التحایا
اقدامك مصر حکمداری ملک الکاملہ اولان او امر جلیله تنی
تبلیغ مأموریتیلہ مصره کیدرک ادا ی رسالتدن صکره مدینه منوره یه
عسودت ایتیش ایدی . ایشته بو ذامک لساندن ایشتمکه
اولیاء اللهدن بری برقیه سعادت انجمامک مجلس تدوینسده
حاضر ایدی . فقیه مشارالیه بر حدیث شریف روایت ایلینجه
« بوسوزی نزدن سونلیورسین ؟ ایشته شارح دین مبین صلی الله
علیه وسلم اقدامك باشکک او جندہ دوریور و بن بویله سوز

مسوئلدم بیوریورمه دیدی . فقیه متنبه اولوب عطف نظر
ایدنجه پرده غفلت کوزندن صیریلہرق جمال باکمال محمدی بی
مشاهده یه موفق اولدی .

ابن فارس قدس الله سره « المنح الآلهیه فی مناقب السادة
الوفائیة » نام کتابنده یازیورکه علی ابن وفارضی الله عنه بالذات
کندینسه خبر ویرمش که بش یاشنده اولدیغم حالدہ قرآن کریمی
شیخ یعقوب نام ذاتدن او کونیور ایدم . برکون تعلم قرآن ایچون
شیخ موسی الیهک یانه کلدی کمدہ اورادہ فخر کائنات علیه افضل
التحیات اقدامی کوردم . بو کوریشم اویقوده دکل او یانقلقدہ
ایدی حتی رسالتاب اقدامك اوزرنده بیاض برکوملک و ارایدی که
صکره او کوملکی اوزرمدہ بولدم ، بکا او قودیه امر ایلدی بنده
« والضحی » « الم نشرح » سورہ لرینی اوقودم . همان نظر ظاهر
بینمدن نهان اولدی . و قنا که یکریمی بر یاشنه واصل اولدم .
صبح نمازینی ادا ایچون تکیر آلوب تلاوت قرآن کریمه
باشلا دیغمده امام محراب ملکوت صلی الله علیه وسلم اقدام
قارشومده متجلی و ظاهر اولوب بنی قوجاقلدی . « واما بنعمة
ربك فحدث » آیت جلیله ننی قرائت ایلدی . ایشته او آندن

بری لسان بدیع البیان محمدی بکا احسان بیورلدی . اتہی
بعض معتبر مجموعہ لرده مسطور درکه غوث الواصلین سید
احمد انرفاعی رضی الله عنه ایضای وجیه حج ایتدیکی سنہ مہبط
جبریل امین اولان حجرہ شریفہ معطرہ نك قارشوسنده طور و ب

« یارسول الله ، جسماً اوزاق بولندیڭ زمان بالوکاله بویری اویمك
ایچون روحی کوندر ایدم . بوجیهی ایفا نوبتی بالذات
وجودمه کلکله اشته جسم حاضر اولدی صاغ الکی اوزات که
بالفعل دوداغم فیضاب شرف تقیل اولسون ، معناسنده اولان
(فی حالة البعد روحی کنت ارسلهما)

(تقبل الارض عنی وهی نابتی)

(وهذه نوبة الاشباح قد حضرت)

(فامدد یمینک کی تحظى بها شفتی)

قطعه استرحامکارانه سنی اوقونجه مضجع رحمتسرای رسالتپناهیدن
اوزانان ید شریفه محمدیه بی تقیل ایلدی .

شیخ برهان الدین البقاعی معجم آدلو کتابنده یازمشدرکه
ابوالفضل ابن ابوالفیض النویری کندیسنه دیمش که شریف
عفیف الدین حضرتلرینک والدی سید نورالدین الایچی روضه
شریفه سیدالانبیاه روسای تعظیم اوله رق « السلام علیک ایها النبی
الکریم ورحمة الله تعالی وبرکاته » عبارمه سیله ادای وجیهه سلام
ایدنجه یاننده بولسانلر مضجع علویتسرای رسول اللهیدن
وعلیک السلام یاولدی « خطاب رحمت مأبئی ایشتمشلردر .

امام سیوطی رحمة الله علیه « تنویر الخلق » رساله سنده کی
سوزی بوراده ختام بولدی . مذکور رساله تنویر مدعای کافل دهه
برجوق شواهد ودلائلی شامل ایسه ده بوقدرله اکتفا اولندی .

شیخ خلیل الشافعی رحمة الله علیک کتاب فتاوا سنده
سیدالانبیاء صلی الله علیه وسلم اقدمزی رؤیت ومشاهده ایدنلر
حتمنده مذکور اولان فتوی دخی بروجیه زیر آرایش صحیفه
اعتبار قانندی .

﴿ سؤال ﴾

فخر عالم صلی الله علیه وسلم اقدمزی اویانقلقده واویقوده
کورمك جائز میدر ؟ جائز ایسه حقیقه ذات شریفه محمدیه سیمی
کوریلور وایکی کشینک بری مشرقده دیکری مغربده اولدینی
حاله بر آنده کورملری تقدیرنده بوبابده نه حکم ویریه ییلور ؟

﴿ جواب ﴾

احادیث شریفه حفاظ کرامی ، نور مطلق خدا صلی الله علیه وسلم
اقدمزک اویقوده اویانقلقده رؤیتی جائز اولدینی بمختمده توحید کلام
ایتمشلر وشوقدرکه بورؤیتیه موفق اولان کیمسه حقیقه ذات شریفه
محمدیه سنک جمالنی می یوقسه مثالی می کورر بونده اختلاف ایدوب
ایکی فرقه یه انقسام ایلمشلردر . قول اوله امام شعرانی وامثالی
وقول ثانی یه امام یافعی وغزالی قائل اولمشدر . برنجی قولی
تصدیق ایدنلر اقامه حجتله دیدیلر که صلی الله علیه وسلم اقدمز
سراج هدی ، نور ظلام ، شمس معارفدر . آفتاب جهان آرا

اولان قان مشهور اولدینی حالده جرمی کور دوراندن نصل
ایرلیور ایسه کذلک مهر علیق فزون هدایت صلی الله علیه وسلم
اقدمزک جسم کریم و بدن شریفده کورلیدیکی وقتده روضه
عرش آستاندن و ضریح قدسات عنواندن ایرلسی لازم کلمه
بلکه قادر لایزال حضرتلری رایشک کوزندن پرده غفلتی یرتوب
ومانعی ازاله ایدوب مکان اصلینده بولدینی حالده مشاهده
ایتمی امکانی حصول بولور و بوقطه نظردن ایکی کشینک
بری مشرقده دیگر ی مغریده ایکن بر آنده و بر مکانه کورمسی ده
مکن اولور و یاخود جناب حق قدرت بالغه سیله رایشک کوزنده
مالع رؤیت اولان پرده ظلمانی بی اوتة طرفی ستر ایتیه جک
ضورتده شفاف بیورزده اوله کورر . قزانی رحمة الله علیه
دیدکی بومشاهده محل نزاع مظهر جمال حق صلی الله علیه وسلم
اقدمزکی کورن ایکی کشیدن برینک مشرقده کی خانه سنده
ودیکرینک مغریده بولان آونده و بر آن ایچده کورمشر اولملری
جهتده در زیرا خورشید جهانتابک شعاعی خانه ایچده کوریلور
اما جرمی آسمانده کی مکان اصلینده کماکان تجلیهای ثبات
بولور . زیرا کونشک جرمی رایشک محلی حصر ایتیم اولسه
اوجرمک محصوریتی آئنده محل رائیدن غیری یرده بولمنی
مستحیل اولور دی . بناء علیه رؤیت جمال رسول کریم بختده
قولی ثانی به ذاهب اولیق یعنی صلی الله علیه وسلم اقدمزک مثال
با کمالی کورلیدیکن حکم ایتیم لازم کلدی . اکابر صوفیه دن
بر جماعت دخی عالم مثالی به قائل اولوب دیدیلر که رؤیت مثالی ده

مشهور اولان مثال کرب صورت اصلیه نبویه موافق اولسون
کرب اولسون . نظر حقیقتده مساویدر . زیرا مثال محمدی هرایکی
صورتیه آینه تاینک کیدر شو حالده صورت حقیقه رسالتینهای
خلافتده کوریلان مثال رایشک آینه مثال جلیل نبوی به انطباع
وانعکاس ایدن صورتندن عبارتدر . بعض صوفیه دخی الترام
توسطله دیدیلر که : صلی الله علیه وسلم اقدمزک صورت و صفت
حقیقه سی اوزرینه رؤیتی تعیردن مستقی بر رؤیادر و شمائل
شریفه سندن بشقه صورتده رؤیت و مشاهده سی تعیره محتاجدر .
مع هذا بر رؤیت علی کلا الوجهین عین حقیقتدر . بویاده
شیطانک دخل وتلیسی اولدینی اتفاق صوفیه کرام ایله محققدر .
یعنی رؤیت اولان صورت . صفت شریفه نبویه موافق
اولسه بیله محض حقدر . زیرا هر متصورک تصویری قبل
حقدندر . بناء علیه رایشک سیدالوجود صلی الله علیه وسلم
اقدمزکی حال شیخوخته کورمسی نهایت مرتبه سلامت
و مأمونیت و حال شایسته رؤیت ایلمسی شدت حرب و مجاهده سنه
و متبسم اولدینی حالده مشاهده ایتیم سنت شریفه محمدیه سنه
تمسک و مداومت و حال و هیئت اصلیه سنده شرفیاب شهود اولسی
صلاح حاله و کمال ترقی و اقباله و اعداسی عالینده مظفر یتنه
و متغیر الحال کورمسی سوء حاله دلالت ایدر . حتی روشن نظر
توحید اولان کیمسه صلی الله علیه وسلم اقدمزکی عالم مثاله
کوریدیکی وقتده فوق الحد کوزل و ملحد بالعکس چرکین کورر .
زیرا مظهر جمال حق اقدمزکی آینه تاینک کی اولوب قارشینه

کلان صورت هر نه ایه صفحه مجلای ذاتنده انطباع وانعکاس
ایدر ذات شریفه محمدیه سی ایه همیشه جلوه پیرای احسن خال
و محاسن نمای ابلغ کمال اولوب شائبه تغیردن مضموندره و الله اعلم
فتوای شیخ خلیل شافعی حرفیاً پوزاده نهایت بولدی
حاصلی بومدعای حقیقت اتمائی تنویر ایدن شواهد و دلائل
صایلمقدن اکثر و خفی قالمقدن اشهر اولدینی جالده بوبابی ذکر
ایتمکدن مقصد من مجرد بوندن صکره بسط و بیان ایده جکمز
مقصود اصلی به مقدمه تمهید اتخاذ ایتمکدر . برده خود بیان
و غفلتیزستاندن اولوبده بو حقیقته اطلاعی اولیانلزدن بالتصادف
بورسالة مزی مطالعه ایده جک کیمسه به و امثاله بو ذکر ابتدیکمز
شواهد و دلائل سبب تذکر و ضعف فهم و عقلنه مدار تنبه
و تیقظ اولمقدن . و من الله التوفیق .

﴿ باب ثانی ﴾

سیدالکونین صلی الله علیه و سلم اقدمزک جسماً و روحاً
مظهر سر حیات اولوب آفتاب جهانتابک هر مکانده جزمیه
متجلی ایشجه نه جمیع بلادی تنویر ایتسی کی ذات شریفه
محمدیه سندنده بر لطیفه جلیله معویه تک علی حسب الاستعداد
افاضه امداد ایچون جمیع عوالمه متعلق و هر شیده ظاهر و شارق
اولدیننه دائر در .

بو حقیقتک مأخذ اصلیمی « آنا من الله و العالم منی » یعنی
بن نور الهییدن مخلوق اولدیم کبی عالمده بنم نورمدن
یارادلمشدر . حدیث شریفدر و حضرت جابر رضی الله عنک
« أول ما خلق الله نور نبيك يا جابر » یعنی ای جابر، فاطر مطلق
تعالی شانه حضرتلرینک اک اول یاراتدینی شی سنک پیغمبرینک
نور یدر . حدیث مشهوری دخی اولکی حدیث شریفی تأیید
ایدر و بومعناى حقیقت اتماکتب صوفیه ده و متأخرین مصنفینک
تالیفات کلامیه سنده تصریحاً و تلویحاً کثرت اوزره مذکور
و مسطور اولدینی جهته از بحق مطالعه سی اولنلرچه خفی اولیان
مسائلنددر . لکن علامه کامل نورالدین الشافعی قدس سره
حضرتلرینک « تعریف اهل الاسلام والايمان بان محمداً صلى الله
عليه وسلم لا يخلو منه زمان ولا مكان » عنوانیه تألیف ابتدیکی
رساله بی کوردم که مشارالیه رساله مذکورده ده مقصد اصلی به
تعلق ایدن دلائل قویه دن بر جوق نصوص درج و نقل ایتش
و نصوص مبحوته دن کشف و الهامی ، شریعت و کلامی جامع
اولان محققین صوفیه کرامک بو مسئله مهمه ده اعتقادلرینه یقین
وبلکه انلرک محض اعتقادی اولان بر عقیده بی تلخیص ایلمش اولسیه
بو بولده کی تالیفاتک جمله نه فائق بولدیغمدن رساله مذکورده تک
مواضع عدیده سندن بر رتبه صالحه اخذ و اقتباسنی تصویب و اختیار
ایلدم .

﴿تنبیه﴾

بومسئله مهمه نك ادراكى كشف وذوقه وابسته ايسه ده شريعت معظمه ده بك چوق شواهد و اشاراتى موجود اولديقدن طالب حق و علم اولنلردن باري تعالى حضرتلرينك مظهر خير و سعادت بيورمى اراده ايتديكى كيمسه شواهد و اشارات مذكوره يه كتب و قوف ايله مقصد اصلى يه هدايت بولور.

مشاراليه نورالدين الشافعى رحمه الله عليه رساله مباحثه سنده دييوركه : بومبحث سعادت انجام حقتده كي سوزم شودر كه نور ديده مؤمنين صلى الله عليه وسلم اقدمز وقتا كه نظر ظاهر بين علمدن نهان اولدى . ازكاي رضوان و اعلاى فراديس جنانه انتقال و تعبير ديكرله ترتيب معقول اوزرينه درجه و سيله يه اقتران و اتصال ايلدى . شويلاه كه اولازوضه شريفه عليا و قبر معظم رحمت چماسنه وصول بولدى صكره جناب قادر مطلق اونور مجسم رختى ، بلاشبهه عند آلهيسنده اشرف درجات و واسطه استمداد كائنات اولان درجه و سيله يه رفع و اعلا بيوردى كه اولين و آخري اومقام علويده غبطه كش سيد المرسليندر . اندن صكره او آفتاب عاين فروز هدى ايتديكى زمان ديلاييكى حيثيله اقطار آسمان و زمينى ، قره يى ، دريايى ، جبال و صحرايى ، حاصل هريرى طولاشمق همچون مظهر اذن لايتغير خدا اولدى .

مع بافيه باري تعالى و تقدس ذات رسالت پناهيسنه اويلاه بر قوت وهب و احسان و كنديسى اويلاه براهليتله فيضاب عز و شان بيوردى كه روز ارتحالندن قيامتن صكره كي زمان غيرمستاهي يه قدر هر نه وقت بر نبى مرسل و يا بربك مقرب ندا ايتمش اولسه اكا درجه و سيله دن جواب ويرر .

اول نور مبين حق درجه و سيله ده نصل تجلى پيراي اعتلا و اجابتناي ملائك و انبيايسه هر طالب روشن دل دخى كنديسى ارايجه حضور رب كريمنده كورر و هر متذكر اعمال نظرايتديكى تقديرده كندى و مستخانه فكرنده و هر عارف حرم سراي سرنده بولدينى كي نظر كاه الهى اولان روضه مطهره سنى زيارتله سلام ويرن كيمسه دخى داخل قبرنده و الحاصل هر طالب اراديني شينك قنده بولور . نته كيم ساثر انبياء عظام عليهم الصلاة و السلامى رختسراي قدس اعلاسنه رفع و اعلا ايلد كدن صكره سگان روى زمينى تائيس همچون اناردن برر جسدك قبر عطرنا كلرنده اقامه سيچون اذن و اراده آلهيسى تعلق ايلدى .

حال تجردده اجساد ، ديلاييكى حيثيده سيرو و حركت همچون هر درلو قيوددن سر آزاد اولوب قبرده ده بولمقدن محجور و ممنوع دكلدر . بناء عليه هر نينك قبرنده برر جسدك اقامه سندن مقصود اولان معنا اونى ذيشانى بر طالب اراديني و قنده اوراده بولمق و قبرى اوزرنده حاضر اولدينى زمان شخص جليانى نكور مكدن بشقه برشى دكلدر . بومحقيقى موسى عليه السلام حقنده كي تفصيلات آتيله دهان زياده ايضاح اينده جكلدر .

امام سیوطی رحمه الله علیه سالف الذکر «تنویر الحاک» کتابنده نبی
 ذیشان صلی الله علیه وسلم اقدامزک مناماً و یقظه آمکان رؤیتی حقنده کی
 نقول علمایی واحادیث شریفه بی جمع وتلفیق ایله کدن صکره
 دیورکه : اشبو احادیث شریفه ونقول منیفه نک مجموعندن تحصل
 ایدن حقیقت شودرکه روح الارواح کائنات علیه افضل الصلوة
 اقدامز جسم شریفی وروح لطیفی ایله مظهر سر حیات درو کندیسی
 عالم لکوتدن هر فصل دیلر سه اقطار زمینده فرمانفرمای تصرقاتدر.
 وذات شریفه محمدیه سی چشم عالمدن غائب اولمزدن اول نه هیئته
 ایدیسه هیچ برشی تبدل ایتمکسزین کماکان او هیئت مقدسه ده
 تجلیهای ثباتدر. شوقدرکه ملائکه کرام جسدلریله حی اولدقلری
 حالده نظر مزدن مخفی اولدقلری کبی صلی الله علیه وسلم اقدامزده
 او پله جه ابصار ظواهر بینمزدن نهاندر. مع هذا جناب حق
 نور بینش مؤمنین علیه صلوة المعین اقدامزک رؤیتیه فیضاب
 سعادت اولمسنی اراده بیوردینی کیمسه نک رفع حجابنه اراده
 الهیه سی تعاق ایدنجه هیئت اصلیه سیله ذات شریفه محمدیه سنی
 مشاهده ایدر. او یله بر بختیار ازلی بی بوشرفدن منع ایده جک
 هیچ بر سبب حاجب و بورؤیتک رؤیت مثالیه به تخصیصنی
 استلزام ایایه جک برداعی وموجب یوقدر. ایشه کلام سیوطی
 بوراده ختام بولدی.

اما بزم سویلندیکمز وسویله جکمز سوز : حقیقت حال
 امام سیوطی علیه الرحمه نک دیدیکندن عبارتدر و بلکه اندن دها

مکمل وبالاتردر. زیرا یوقاریده اشارت ایتدیکمز وجهله جسد
 شریف محمدیدن نه زمان ومکان، نه محل وامکان، نه عرش ولوح،
 نه کرسی وقلم، نه دکرز وقره، نه جبل وصحرا، نه برزخ وقبر،
 خالی دکلدرد. اونور الهینک جسد شریفه عالم بالا فصل ملو
 ایسه بو عالم کائنات ومضجع ظاهر یسی اولان روضه پرنفحات
 او یله طولودر. ذات شریفه محمدیه سنی بر آنده قبر معظمنده
 مقیم، بیت الهی طائف، حضور رب کریمنده ادای خدمت
 ایچون قائم، درجه وسیله ده اقامتی سییله منبسط بولورسن.
 کورمز میسن که اقصای مشرقده یقظه و مناماً کورنلرک رؤیتی
 عینیه اوساعتده اقصای مغربده مشاهده ایدنلرک رؤیتیه توافق
 ایدر. بورؤیت مناماً میسر اولورسه عالم خیال ومثاله
 وقوعبولمشدر. حالت یقظه ده واقع ایسه صفت جلال و جمال واعلای
 غایات کمال ایله جلوه کر اولمشدر.

﴿ بیت ﴾

لَیْسَ عَلَی اللَّهِ بِمُسْتَنَکِرٍ أَنْ یَجْمَعَ الْعَالَمُ فِی وَاحِدٍ

§

اگر بر قائل میدانه چیقوبده دیرسه که بو بختده نور شمس

علمکز افق آسمان ذوق و عرفان منی طلوع ایلدی . یوقسه
بوسوزلری عن جیب کندی تفکزدنمی سویلیورسکیز . بوخال
نه کیفیتله تصور اولنه بیلور ؟ و بر جسمک جیع محاله حلول
ایتمی نصل صحیح اولور ؟ جواباً دیرمکه : اورنک پیرای
رسالت صلی الله علیه وسلم اقدمزه قارشیی ارتکاب کذب و خلاف
کندیسنی استخفاف دیمک اولوب حاشا اویله بر جرأت
کستاخانه دن صون صمدانی به صغیریم و کذلک شرع شریفده
اولیان بر شیئی احداث ایدن کیمه نه نک مردود حق اولدیغی
بیلیرم . بنم بو بحث قدسیده ذکر و بیان ابتدیکم شیلر مجرد
فیض فائض الهام اولوب حتی خصوصنده ان شاء الله اهل فهم
و شعور دن کیمسه توقف و تردد ایلمز مکرکه شاذ و نادر اوله رق
اهل اوهام و اصحاب ایهام و ایهامدن بری اوله .

﴿ بیت ﴾

ولیس یصح فی الاذهان شیء اذا احتاج النهار الی دلیل

مقتاسی : تهار روشن دلیل و برهانته محتاج اولدیغی حالده
ارتق اذهان خاقصده هیچ بر شیئک صحیح و ثابت اولماسی
الایزم کلور .

﴿ بیت ﴾

واذا لم تر الهلال فسلم لا ناس راوه بالابصار

مفهومی : سن هلالی کورمدیکک و قدیمه کوزلریله کورنلرک
سوزینه اینان !
معلوم و مسلمدرکه بر شیئی بیان کیمسه بیلیمانه ، اکلابان ،
اکلامیانه ، حفظ ایدن ، حفظ ایتماش اولانه حجت و برهاندر .
ایشته بز دیرزکه سوز دلیلستر صحیح اولمز . بزم بو بحثده ادله
صحیحه نقلیه و براهین وجودیه قطعیه من و اردر .
دلیللرمزدن بری : سندات عالییه صحیحه و مسانید ثابتیه
رجیحه مزده مروی و کافه محدثین و حفاظ و جمیع اهل معانی
والفاظ عندنده ثابت اولان حدیث شریفدرکه رفرف سواربالای
ملکوت ، صلی الله علیه وسلم اقدمز لیلته مقدسه معراجده نبوت
ورسالتده برادری اولان موسی علیه السلامی قبرنده قائم اولدیغی
حالده ادای صلاة ایدر کوردی . صکره بیت بمقدسه کلنجه
اوراده ده یاتنده بولدی . مسجد اقصاده سائر انبیاء عظامه
اتباعاً موسی علیه السلام دخی امام المرسلین اقدمزک ارقه سنده
نماز قیلدی و اوراده رسالت مآب اقدمزدن آرلدی . نبی ذیشانمز
اقدمز دردنجی قات کوکه صعود ایدنجه موسی علیه السلام ایله
اوراده و یاخود دیگر بر سنده ملاقات ایلدی . نته کیم دیگر

بر حدیث شریفه نور بصر وجود صلی الله علیه وسلم اقدم زك
آدم علیه السلامی سماواتك برنجی قاتنده ، هرون علیه السلامی
ایکنجی قاتنده ، یوسف علیه السلامی اوچنجی قاتنده ، ادريس
علیه السلامی دردنجی قاتنده ، هرون علیه السلامی بشنجی قاتنده ،
موسی علیه السلامی التنجی قاتنده ، ابراهیم علیه السلامی یدنجی
قاتنده کوردیکی مذکوردر . مع هذا شو ایکی روایتی جمعا
دیرزکه علیه الصلاة والسلام اقدم حضرت موسی بی هر ایکی
قات کوکده کورمش اولسی نمکندر . ایمدی موسی علیه السلام
باعث ایجاد کائنات علیه افضل التحیات اقدم زك مادوننده
اولدینی حالدیه بر لحظه ده زمین و آسمانی طی و تماشا اتمک
درجه سنده بویه مطلق العنان اولنجه یعنی صلی الله علیه وسلم
اقدم کندينی قبرنده ادای صلاة ایدر براقش ویت مقدسه
کنديسندن آیرلش اولدینی حالدیه سماء رابعه و سادسه ده کورمش
بولنجه ارتق نور اصلی وجود اقدم زك هم مکان علویسند
موجود و همدیه قبر معظمنده تجلیمود اولق صلاحیتی حائر
اولسی اولویتده قالمقه برابر نبی ذیشانم صلی الله علیه وسلم اقدم
کائناتك ذات شریفه محمدیه سیله مملو بولنسی حیثیتدن حضرت
موسی و سایر انبیاء علیهم السلامك مطلقیتلرندن زیاده یرایه دار
اختصاص و امتیازدر . زیرا فخر عالم اقدم ليله اسراده نه ملک
مقربك و نه ده نبی مرسلك وصول بولغه دکل بلکه بر آدم آتمغه
قدرت یاب اوله منه جفی بر مقام علوی به تقرب و ترقی ایلدی .

بو حکمته مبنیدرکه رئیس ملائکه کرام جبریل علیه السلام
سدره منتهی قنده « و ما لنا الا له مقام معلوم » قولیه صلی الله
علیه وسلم اقدم زدن کبر و قالدی . و ابراهیم و موسی علیهما السلام
و امثالی بولندقلری سماواتدن ایلری کیده مدیلر .

شبو دعوائی صحیحی تنویر ایدن ادله نقلیه دن دیکریده ینیه
سندات عالیة صحیحیه و مسانید ثابتة رجیحیه مزده و امام الاثمه امام
بخاری رضی الله عنک و امثالتك عندنده ثابت اولان حدیث
شریفدر . زیرا بو خبر حقیقت پرورده مذکوردرکه ملکین یعنی
منکر و نکیر قبره قونیلان کیمسیه اوراده حاضر بولسان
رسول اکرم صلی الله علیه وسلم اقدم زی کوستره زك « ما تقول
فی هذا الرجل » یعنی بو ذات حقنده نه دیرسین ؟ سؤالی ایراد
ایدرلر . اسم اشارت اولان « هذا » لفظی ایله ایسه انحق حاضر
اولان کیمسیه اشارت اولنور . « هذا » نك حقیقت معناسنده
اصل اولان بودر ، اما بعض علمانك صلی الله علیه وسلم اقدم زك
مقبورك یاننده جسداً دکل ذهناً حاضر بولنسی ممکن اولدیغنه
دائر اولان قولی بو مقامده قبول و تصدیقه یول یوقدر . زیرا
بو بحشده حقیقتدن مجازه تجوز و عدوله سبب کوریله من .
بناءً علیه سیدالکونین صلی الله علیه وسلم اقدم زك مقبورك
قارشوسنده جسد شریفیه حاضر بولدینی محققدر .

اشته شو ذکر و بیان ایتدیکنز ایکی دلیل نقلی بی
فطرت و فطنت سلیمه و نیت مستقیمه اصحابی حسن قبول ایله
تأقی ایدر بناءً علیه یومئذ مشهور صحیفه اذغانمز اولان

ادله قطعیة عقلیه بی سرد واتیانیدن بشقه بروطفه خر قالمدی .
بونلریده بیان ایتدکدن صکره ادنی مرتبه اسلامیت و اتساتیدن
بهره دار اولان کیمسه نك عرض تسلیمیت ایتیمی واجب اولور .

برهان اول : رسول اکرم صلی الله علیه وسلم اقدمزك روح
وجود کلتی اولدیغنده مؤمنیندن کیمسه تردد و مخالفت ایلمز .
هیچ کوردکی ، و یا ایتدکمی که برووجود تام الاعضا ، اثر نمای
حیات اولدجه انك اجزا سندن بر جزئك روحدن خالی قالمی
ممکن اولسون ، فخر کائنات علیه افضل التحیات اقدمز عوالم
علویه و سفلیه نك روح روانی اولدینی مصدق اولنجه عوالم
مذکوره دن هیچ بر جزئك جسد شریف احمدی و روح لطیف
محمدی سندن خالی قالماسی طبیعی دکیدر ؟

بوقضیه نك صحته دلیل ، سید البرایا علیه اکرم التحایا اقدمزك
« لَا يُشَاكُ الْمُؤْمِنُ شَوْكَةَ الْأَوْجَدِ الْمَهَّاءِ » حدیث شریفیندر که
مضمون جلیلی : مؤمن بر دیکندن متأذی اولمز الا اودیکنك
المنی کندی نفسده بولورم . دیمکدر .

برهان ثانی : اولیاء الله دن بر جماعت عظمتک مشاهدۀ دائمة
رسول الله ایله شرفیاب سعادت و بختیاری اولملریدر . کورمز میسن که
جلال الدین السیوطی علیه الرحمة کتآب تنویر الخلق کنده
و ستائر اجله ثقات کندی کتابلرنده نه لر یازدی لر . عارف بالله
ابوالعباس الطنجی رضی الله عنک سید احمد الرقاعی رضی الله عنده
سنلوك کورمك ایچون استمداد ایتدیکنده تجزیان ایلان خله

مشار الیه مک بومبختده تأیید ایتدکری وقایع صحیحهدن اولوب
تفصیلاتی بالاده خامه کذار تحقیق اولمشدر .

ایشته بو حکمته مبیدر که انسان ولو اویقو سییله اولسون
تفسندن آیریلنجه و کوزینی قیابجه جناب حق قسمت ایتمش ایسه
صلی الله علیه وسلم اقدمزی کورمه که موفق اولور . یا بستون
شهوات نفسانیه سندن تجرید نفس ایدوبده « مَوْتُوا قَبْلَ أَنْ تَمُوتُوا »
سرینه مظهر اولورسه کندیسیله روح وجود ، صلی علیه الودود
اقدمزك ارمه سنده نه اویقوده نه اویانقلقده حجاب قالمیه جفنده
شك وشبه قالیرمی ؟

شیخمز شیخ نورالدین الشونی قدس الله سره بوشرف
وسعاده نائیتله بختیار سرمدی یعنی لیلاً و نهاراً اکثر یا قریب العین
دیدار محمدی ایدی ، وسید ابوالعباس المرسی قدس الله سره
« اکر رسول الله صلی الله علیه وسلم اقدمزك جمال بیثالنی
کورمکدن بر لحظه محجوب قالهم ، نفسی مسامیندن صایماز
ایدم » دیر ایدی . بوبابده کی خبر لر صایماقدن اکثر اولوب ضبط
وحصری متعذر اولدیغندن بوقدرله اکتفا ایلدک .

برهان ثالث : ابدال تسمیه اولنان اولیاء الله در که بونلردن
برینه « بدل » دنیلور زیرا ایچلرندن بری بریره سفر ایدنجه
کندی برینه صورت حقیقه سنه بکزر بر بدل براقیر .

اکا بر ابدالدن قضیب البان قدس الله سره ترک صلاة
ایتدیکندن طولای حضور محکمه شرعیده علیه اقامه دعوی

اولنجه قاضي كنديسنه ديدى كه : بن بودعوايه تدريسين ؟
هان كنديسندن يدى صورت جلوه نماي ساحة ظهور اولدى كه
انلردن هر برينك قضيبي ايان اولديغده شك وتردد اولنمايدى .
او صورتلردن هر برى قاضي به ودعوا جيلره خطاباً « بزلردن قنغيمز
اوزرينه ترك صلاتى دعوا ايدييورسكنز ؟ ديديلر . اتى .

ايمدى ابدالدن برندن يدى صورت جلوه كر اولنجه
اكمل الرسل صلى الله عليه وسلم اقدامك هزاران هزار مثالى
ظاهر اولمازى ؟ بومبجده نقله شاين اولان وقايعدنر كه
تاج الدين ابن عطاء الله الاسكندري رضى الله عنه كه حكم ، تنوير ،
تاج العروس ، لطائف المنن كى آثار بر كزیده نك مؤلفيدر .
انك مریدلردن برى حج ايتديكى سنه مواقف حجدن هيچ
بر موقوفده طورمدى كه اوراده شيخى تاج الدين حضرتلرخى
كورميه . شوقدر كه مرید مومى اليه كوردىكى يرلرده يانه كلوب
لقردى سويلمك ايتديكى كى مشاراليه كوزى او كندن نهان
اولوردى . مصره عودت ايتديكى وقته اول باول شيخك حال
وصحتى سؤال ايلدى « زيرا آنك هر يرده ظهورىنى قيد
جسمانيتدن سر آزاد اولديغنه حمل ايلمشيدى . الحمد لله ، حياتده در
ديديلر . وقتا كه شيخ مشاراليه ايله ملاقات ايلدى . مكاشفة فلان
يرده شويلاه اولمديكى ؟ فلان يرده شو حر كته بولنمك كى ؟ ديه
كنديسنگده بر ابرجه بولنديغى اظهار ايلدى .

برهان رابع : جناب قادر لايزال نبى ذيشانى صلى الله عليه وسلم
اقدامى ماه رخشان كى بر تجليگاه شامل الاطرافده متجلي

بيورويده اقصى مشرق ومغربده بولسانلر اصل بر آنده بدر
منبرى كورلر ايسه عليه الصلاة والسلام اقدامى ده او صورتله
رؤيت ايتلمى ممكناات معقوله مشهوده دن اولمسيدير . بدر بويلاه
اولديغى كى شمس ، زهره ، سائر نجومده اويله در سگان روى زمين
بوللرى رؤيتده متساويدير . زيرا جناب حقك بوللر ايچون
تخصيص بيورديغى مكان ووضعت . بو حكمتى مقتضيدر . بناء عليه
قدرت بالغه النسيه به نسبتله بعيد دكلدر كه مدينه منوره ده كى
ضريح رحمتناه سيد الكونين ، ماه و آفتاب منزاتده اوله واستبعاد
اولنمز كه جناب خالق لم يزل مدينه دن غيرى محله صلى الله عليه وسلم
اقدامزدن بر جسد خاق بيورويده اوراده ده رؤيت ومشاهده
قيله ، بشرط آن كه رائيك چشم بصيرتى برده پوش غفات
وانكار اولمايلدير . زيرا چشم ظاهرى كور اولان كيمسه
هر كسك نظرنده بارز و ظاهر اولان شمس و قمرى ونجومى
كورهمديكى كى اعمام بصيرت دخی هيچ برشى كورمز وهيچ
بر شيه اينانمز .

نظم بديعزدن اولان شو اوج بيت موافق صدد
كورلديكندن ايراد اولدى :

مثال النبي المصطفى في وجوده

لسائر ارض الله والعجم والعرب

عَلَى أَنَّهُ فِي قَبْرِهِ طَابَ تَرْبَةٌ

بَطِيَّةٌ دَامَتْ مِنْهُ فِي ضَلَةِ الْقَرَبِ

كَبَدَرِ تَعَالَى فِي السَّمَاءِ وَضُوئِهِ

يَعْمُ عَلَى الْاَكْوَانِ فِي الشَّرْقِ وَالْمَغْرِبِ

خلاصه مدلولی : نور مبین حق صلی الله علیه وسلم اقدمزك
مدینه منوره ده مضجع آرای رحمت اولان وجود انور و اقدسك
سائر دیار و ممالک تجلیسی آسمانده جلوه پیرا اولان بدر منیرك
شرقا و غربا کائناته نور افشان اولسی کیدر .

﴿ دو بیت ﴾

انْظُرْ إِلَى الْمُخْتَارِ كَيْفَ وَجُودُهُ

مَلَأَ السَّمَاءَ وَالْأَرْضَ وَالْاَكْوَانَا

فَتَجَدَهُ مِثْلَ الْبَدْرِ فِي كَبَدِ السَّمَاءِ

وَضِيَاءُهُ مَلَأَ الْوُجُودَ عَيَانَا

فذلکے مآلی : حیب ادیب کبریاہ نظر ایله که آنک وجود

اقدس و منوری، زمین و آسمان و کافه اکوانی نصل طولیدر مشدر .
بدر منیر کبی آسمانک اورتہ سنده کوردیکک حالدہ ضیاسی
وسعتسرای وجودی عیاناً لبریز ایلمشدر .

برهان خامس : جناب قادر مطلق بتون دنیایی ملک
الموتک مشمول نظر مأموریتی قیلدینی کبی باعث آفرینش عالم
صلی الله علیه وسلم اقدمزده کافه عوالم علویه و سفلیه بی نظرگاه
دائمی بیورمش اولسک جائز و ممکن و متعل بولنمیدر .

ملک جلیل جناب عزرائیل علیه السلامه سؤال ایتدیلر که :
بری مشرقده دیکری مغربده بولوبده اجلی کلش اولان
ایکی آدمک بر آنده روحی نصل قبض ایدیورسین ؟ جناب
حق نظر مده دنیا و مافیهای طعام ایدن کیمسهک اوکنده کی طباق
کبی دوروب دوشیردی . بنده ایتدیکی قبض و تناول
ایدیورم دیمشدر .

برهان سادس : عالم برزخک یعنی بو حیات پنجره زده دن
صکره کیده جکمز عالم الطفک حال و شان و تجلیات حیرت عنوانسک
دیگر عالمده متیس اولمامیدر . زیرا شریعت غراده وارد
اولدینی اوزره سؤال ملکری یعنی منکر و نکیر درجه نهاییده
عظمت جسدلریله برابر طار مزارلره کیرلر . بونلر نره دن
کیروب نره دن چقارلر و بری مغرب و دیکری مشرقده بونندینی
حالدہ بر آنده اجلی کلش و مزاره کیرمش ایکی میتی و یابرچوق
امواتی بروقتده نصل صورغی الله آلیرلر . و جنت ، سدره المنتهانک
اوستنده وجهنم ، بحر مالک التده اولدینی حالدہ نصل اولوبده

قبرك بر طرفی پارق او جیله دلوب جنت وجهنمه نافذ و ناظر اولق
اوزره بر رنجره آچارلر؟ بو حالرك هبسی او عالم بدایعناك مقتضیاتندن
اولوب عتول قاصره ایله ادراك اولنه حق حالاتدن دكلدر. حاصل
كلام جناب حكیم لا يزال قبضه قدرت صمدانیه سنده دكلدر كه
سؤال ملكرینه و عزرائیل علیه السلامه ویردیكى قدرتی، روح
عالم صلی الله علیه وسلم اقدامزه احسان بیورسون. زیرا منكر
ونكیر، هادی امت صلی الله علیه وسلم اقدامزه ایمان اولوب
اولمديغنی سؤاله مأمور اولدقلرینه نظراً شبه یوقدر كه مرتبه
جلیله رسالتناهیسنك مادوننده درلر.

ایمدی كذارشیدیر خامه تحقیق اولان مقالات واجوبه
وسؤالات نتیجه سندن اكلاشادیکه سیدالوجود صلی الله علیه
وسلم اقدامرك جسد شریف و روح لطیفندن نه زمان و مکان
ونه عصر و آوان خالی دكلدر. و شرعاً تقرر ایدن حالاتندركه
عالم بر زخده آزاده سر قیود اولان ارواح مؤمنین، بالا پرواز
علویات و جنات اولدقلری کبی احياناً جسملری زيارت ایچون
قبرلرینه ده کلورلر. و موطن بر زخیلری اولان سماء دنیادن
قبرلرینه قارشی یقین طور درلر. و مؤمن میت، قبرینی زیارت
ایدن کیمسه بی طانیر و کندینه سلام و یرن کیمسه یه ده قدرت
یزدانی و اذن ربانی تعلق ایدنجه رد سلام دخی ایدر. و اموات
مؤمنینك بووقوف و عرفانی جمعه کوننك زوال وقتندن
زیاده لشمکه باشلا یوب جمعه ایرتسی کونی. صباح و قته قدر
دوام و استمرار ایلر. ارواح انبیا و اصفیا ایسه مطلقیت

و معرفتده عوام مؤمنینه فائق اولدینی کبی آل و اولاد رسول الله
و صحابه کرام و علمای عاملین و شهدای کاملینك روح پاکلریده
بالاختصاص علین پرواز اوج اطلاق و عرفاندر.

هله انبیاء عظام علیهم الصلاة والسلام، اشباح و ارواحیه
بو عالم کونده بلا مانع و مزاحم کشت و کذار و اذن الهی تعلق
ایدنجه احرام پوش حیات اولدقلری زمان کبی ایفای حج
و اعتمار ایدرلر. روح کائنات نبی ذیشانز صلی الله علیه وسلم
اقدامز ایسه مظهر اختصاص و امتیاز حق اولوب جسد
شریف و روح لطیفیه تکمیل عوالم علویه و سفلیه بی
طولیدر مشدر. زیرا کندینی باری تعالی و تقدس حضرتلرینك
افضل عباد و عبادیدر. و بتون دنیا و مافیها فضل و کرم ربانیه
اورسول کریمك نظرگاه قدسیت آبادیدر.

اگر بر قائل چیقوب دیرسه که بومبحث مهمده کی ایضا ماتکز
بك کوزل و افاداتکز اتم واکلدر. لکن سزه شایان نظر اعتبار
برسؤال توجه ایدیور که بوکتابك فائده سی تکمیل ایتك ایچون
اوسؤاله جواب ویرمکز و اجیدر اوده بودر که الله تبارک و تعالی
حضرتلری صلاة و سلام ایدنلرک تصلیه و تسلیملری تبلیغ ایچون
ضریح رسول الله صلی الله علیه وسلم بر ملک مأمور بیورمش
واصل وجود کائنات علیه افضل النحیات اقدامز جمعه کیجه سیله
جمعه کوننده ایدیلان صلاة و سلاملری بالذات ایشیدوب علی کل
حال رد سلام ایتکده بولنش اولدینی صحیح اخبارده مذکوردر.

شوحالده افضل الرسل اقدم من ديديك كز كې هر مكانده حاضر و مشهور ، يا خود هر بر زمانده موجود بولمش ويا قبر منور بدن عالم اعلايه رفع ايدمش اولسه ایدی امر تبليغ صلاوة ایچون ملکک مأموریتته احتیاج قالمز ایدی .

جواب : بو کتابک مفادندن معلومکز اولمشدر که مدینه طیبه ده مطاف قدسیان هفت آسمان اولان قبر شریف منور . علی صاحبه من الرحمن الرحیم ، افضل الصلوة واشرف التسليم جسد شریف محمدیدن غیر خالیدر . بلکه جمیع عالم علوی و سفلی روح الوجود صلی الله تعالی علیه وسلم اقدمزله نصل طولوا ینسه ضریح عرش آرای نبویسیده او یله مالیدر . و او قبر منوره خلول و دفنی ، عوالمده متجلی اولان جمیع شئون رسالتناهیسندن ده قوی و قویم ، بر شان جسیم و تجلی عظیمدر .

ایمدی هر فرمانفرمای کشور عالمک بر پایتخت سلطنتی و بر دولتبرای شوکنی اولدینی کبی سلطان سریرلی مع الله اقدمزده مدینه منوره تجلیسرای انوار حکمت و حکومتی و روضه مطهره حرم کعبه توأم جلال و عزتیدر . بناء علیه اوراسی خدمتروایان ناسوت و کارگذاران ملکوتک مرکز مأموریتیدر . او مقام مقدسه خدام و طواشی ظاهر او پرده داران سرادق ملکوت اولان ملائکه کرام علیهم الصلاوة والسلام دخی باطناً خدمت ایدر لر . بو تقدیرجه جناب خداوندیچون و چرا تعالی شانہ حضرت ترینک امت مرحومه احمدیه طرفندن عرض اولنان صلاوة و سلامک اطلاعکاه اقدس

نبوی ین تبليغ وظيفه سی ادا ایچون نکهبانان مواقف ملکوتدن بر ملک مخصوص ، مأمور بیورمش اولمتی ، قدر جلیل رسالتناهیلرینی توقیر و تجلیل ایچوندر . والا بعد مسافه صلاوة و سلامک عکس انداز سمع رسول الله اولسنه مانع و حجابدر دعواشده بولنانلره کوره قبر شریف منور و شبکه جلالت پرور رسالتناهی دخی حجب و موانع حسیه دن معدود اولیق لازم کلور ایدی . حالبوکه حقیقت حال او یله دکلدرد . شوايضاحدن بیلندی که روضه بهشت آرای رسول اکرمه ملک مذکورک مأموریت و ملازمتی ، مجرد ادای وظیفه خدمته دوام اقامه حرمت و جمعه کیجه سی و کوننه تخصیص شرف و مزیت ایچوندرد . شو حالده بیان ایتدیکمز خبر صحیحک معنای شو اولیسور که باری تعالی و تقدس حضرت لری لیه جمعه نک شاننه اهتمام اولنق ایچون سلی الله علیه وسلم اقدمزه او کیجه ده فضله ادراک ، احداث و افاضه بیورر . وكذلك ملائکه کرام و خدامک ملازمتی دخی بجم شریف محمدینک مضجع رحمتی اولان محاک زیارتدن معطل قالماسی ایچوندرد .

سراثر شناس اولین و آخرین علیه الصلوة المعین اقدمزک هر مکان و زمانده حاضر بولندیقنه دلالت ایدن ادله عقلیه و نقایه دن بریده « يَا أَيُّهَا النَّبِيُّ إِنَّا أَرْسَلْنَاكَ شَهِيداً وَمُبَشِّراً آیت جلیله سنده بیان بیورلدینی وجهه باری تعالی و تقدس نی ذی شاتی بالعموم قوللرینک خیر و شر عملرینه شاهد نصب

بیورمش اولمیدر . شاهدایسه همه حال مشهودك قارشونده
حاضر و مشهود بهی ناظر بولمق لازم کلور بودلیل فرقانی ایله ده
معلوم اولدیکه اعرف الانبیا علیه اکمل التحایا اقدم من جمیع
عالمه متجلی و ظاهر و هر مکانده حاضر در .

انبیاء عظام علیهم السلامك عالم کونده کشت و کذار ایتدکلرینی
مؤید اولان ادله دن بریده جلال الدین سیوطینك « کتاب الاعلام
بحکم عیسی علیه السلام » آدلو کتابنده روایت ایلدیکی شو حدیث
شریفدر : « اِنَّا لَنَبِيٍّ صَلَّى اللَّهُ عَلَيْهِ وَسَلَّمَ كَانَ يَطُوفُ بِالْبَيْتِ حِينَ
فَسَلَّمَ عَلَى شَيْءٍ فِي الْهَوَى فُسِّلَ عَنْ ذَلِكَ فَقَالَ رَأَيْتُ أَخِي عِيسَى
ابْنَ مَرْيَمَ يَطُوفُ بِالْبَيْتِ فَسَلَّمَ عَلَى وَسَلَّمَ عَلَيْهِ » یعنی مفخرانس
و جان علیه صلوٰۃ الرحمن بر آرق بیت الله الحرامی طواف بیوررکن
هواده بر شیهه سلام و یردی . حاضر بولنان اصحاب کرام ، سینی
استفهام ایدنجیه قرداشم عیسی ابن مریم علیه السلامی طاقب
بیت الله ایکن کوروب بکاسلام و یردی . بنده ردسلام ایلدم .
جوابیه انبیاء عظامك چشم ظاهرین جهان دن نهان اولدقدن
صکرده سیر عالم ایتدکلرینی تأیید بیوردی :

حافظ ذهینك وامثالك قوله کوره اشبو حدیث شریفك
حکم جلیلی ایجابجه حضرت عیسی علیه السلامك هم نبی و رسول
همیده صحابی اولدینی تقرر ایلمشدر . شو حالده نبی مشارالیه

افضل صحابه اولوب کندینسی ترتیب معقول اوزرینه فضیلتده
چهار یارکزین رضی الله عنهم ولی و تعقیب ایدر .

انبیا علیهم السلامك عالمه کشت و کذارلری ایسه کندی
منفعتلریله برابر تقع عباد ایچونددر .

صلی الله علیه وسلم اقدم من ایسه کشت و کذار ایتدکلر استغنا
نمونددر . زیرا جسد شریف و روح لطیفیه عوالم علویه و سفلیه
مشحونددر .

ای مرید ارشاد خواه ! شورا سیده بیانکه جلال الدین
السیوطی علیه الرحمه نك نبی ذیشان صلی الله علیه وسلم اقدم منك سیر
کائنات بیوردیغه دائر کذار شنیدیر صحیفه بیان اولان عبارده سی
حروفیه و منطوق و مفهومیله دلالت ایدر که صلی الله علیه وسلم اقدم من
دنیا بی طولیدر مشدر . زیرا بویه اولمسه یدی دور عالم بیوردیغی
زمان قبر منورینك ذات شریفه محمدیه سندن بوش قالمسی و روضه
مطهره سنی زیارت ایدنلرک یالکز ضریح شریفنی زیارت ایلدسی
لازم کلوردی . بوصورته ایسه هیچ کیمسه قائل دکلددر . و کذلک
« هرکیم نبی اویقوده کوررسه اویانقا قدده کورده جکدر » مآئنده
اولان « من رأی فی المنام فیرانی فی الیقظه » حدیث شریفیه
حالت بیداریده مشاهده جمال نبوی به صراحت و دلالت کلیه
ایله الک قوی برهان و حجتدر . زیرا بوتبشیر رسالت پناهیمی
بو جهله مشارق و مغاربده نیجه بختیاران حقیقت پرور مشاهده دیدار
قدسیت آثار یله روشن نظر اولمشدر . وبالاده ذکر و بیان اولدینبی
اوزره بورؤیتك آخرتده وقوع بوله حق رؤیتله تفسیری صحیح

دکدر . چونکه آخرتده سائر امتلر دخی کوره جکلری جهته
دنیاده کورنلرله کور میانلر مساوی اوله جتدر .

حاصلی روح وجود کائنات، علیه افضل الصلوة اقدمز
حساً و معنأً، جسماً و روحاً، سرّاً و برهاناً، حکمت نمای وجود
و پیش بصائر اولی الابصارده متجلی و مشهوددر. شیخ نورالدین
الشافعی قدس الله سره حضرت تلرینک رساله سنده مقصود اولان
مباحث اشته بوراده ختام بولدی .

سید احمد ابن محمد الدردیر العدوی قدس سره ترتیب ایلدیکی
صلاة شریفده عبدالسلام ابن المشیش رضی الله عنهدن نقلاً :
« واجعل الحجاب الاعظم حیاة روحی » عبارده سی مندرج اولوب
مذکور صلاة شریفنک شارحی اولان احمد ابن محمد الصاوی
قدس سره بوجهلنک شرحده دیرکه : حجابدن مقصود، محمد مصطفی
صلی الله علیه وسلم اقدمز اولوب حجاب اعظم وبرزخ کلی و امثالی
اسماء جلیله ایلده مسمادر . شو حالده « واجعل الحجاب الاعظم
حیاة روحی » جمله تضرعکارانه سنک معناسی یشیل اغاج صودن
کسب نشوونما و دال بوداق پیدا ایدرک اوزادینی کی بنده روحی
آیاری فیض محمدی ایله فیضیاب امتداد بیور! دیمکدر .

طاتی صو، حیات ابدان و نبات اولدینی مثللر ارواحک
حیات و روحی ده فخر کائنات علیه اشرف التحیة اقدمزدر .
بناءً علیه روح الارواح اقدمزدر استمداد و استغاثه ایتیمان

ارواح ، اموات دیمکدر که انلرده اهل کفر و عصیانک
روحلریدر . اتهی .

﴿ باب ثالث ﴾

جناب رسالتأب علیه صلوة الوهاب اقدمز حضرت تلرینه
واصل اولمق آیاتنک انواعیه روح عالم صلی الله علیه وسلم
اقدمز، حضرت تلرینه توجه و تعلقک کیفیاتی میندر . بورساله ناک
ترتیبندن مقصود اهم دخی بودر .

اولیاء کرام قدس الله اسرارهم حضراتبندن چوغنک
تربیه لری بدایت امرده حجر و حمایه رسول مجتبی علیه اکمل التحایده
واقع اولمشدر . محقق عارف سامی مولانا عبدالرحمن جامی قدس
سره کتب مؤلفه سندن بعضیسنده شیخ فریدالدین العطار قدس
سرالستار حضرتلرندن نقلاً روایت ایدرکه مشایخ طریقت
و کبراء اهل حقیقتک اولیاء عظامدن اویسیلر تسمیه ایتدکلری
بر قوم مسعود واردر که کندیلرینی روح عالم صلی الله علیه وسلم
اقدمز، اویس القرنی رضی الله عنه الباری حضرتلرینی تربیه
بیوردکلری کبی بالنفس و بلا واسطه کندی حجر و حمایه
رسالتپناهیلرنده تربیه بیوردکلرندن اشبو قوم عالی مرشد ظاهره
محتاج اولماشلردر . لکن بو مقام قدسیت اتسام ، غایت عزیز
و قیمتدار اولوب اشبو مقامه هر کیم واصل اولور و بودوات

سرمدیه کیمه توجه ایدرسه « ذلك فضل الله يؤتيه من يشاء »
مدلول جلیله مظهر اولش اولوز . و كذلك اولیای کرامدن
روح عالم صلی الله علیه وسلم اقدم من حضرت تریزه بیعت ایدن بعض
کبرا دخی کندولریچون بر ولی و مرشد ظاهری اولقسزین
روحانیت جلیله رسالتناهی ایله تریتیاب فیض و ارشاد اولمشلر ،
واشبو جماعت ذی سعادت دخی « اویسیلر » فرقه جلیله سنه داخل
بولمشلردیر ، مشایخ طریقتدن چوغی بدایت سلو کده بومقامه
توجه ایدرلر . انتهى .

شیخ من رضى الله عنه بر مریدده وهله اولیده آزیچق اهلیت
کورسه لر ذات رسول الله توجهی تعلیم بیورر و سائر مریدانه ایسه
مقام احسانه توجهله امر ایدر ایدی . و « مراقبه ده اصل اولان
احساندر جناب حق قولک قلبی تجلیاتندن دیلدیکنه اخذ
وجلب ایدر و حضرت شیخه و یاخود ذات حقنه توجه دخی
مقصوده تسهیل و تقریب عظیمی موجبدر » دیر ایدی .

بوابك قیچی وسائل و اسبابك اسهل و اشرفی ، سید الوجود
صلی الله علیه وسلم اقدم من كتب سیرده مضبوط اولان شمائل
جلیله لری وجهله صورت شریفه لرینی خیالده مفصل اولنجه یه قدر
اجالا و یاخود رؤیای سابقه ده مشاهده ایدلش هیئتله تفصیلاً
استحضار اتمکدر .

« بن قولك ظنی قندهم بنم ایچون دیلدیکنی ظن ایتسون »
مدلول جلیلی شامل اولان « انا عند ظن عبدی بی فلیظن بی
ماشاء » حدیث قدسی صحیحی بو حقیقته دلیلدر . و جناب حق

حسن ظن حسن عبادتن معدود بولدینی « حسن الظن بالله
من حسن العبادة » حدیث شریفه ثابتدر .

بو حالده قول ، مولای کریمی حقنده معالی امور دن هن
هانکی شیدی ظن ایدر ، و بوظنده صدق و یقین ایله وجهه دار
بارگاه احدیث اولورسه جناب حق او قوله ، ظن جمیلی موجبجه
معامله بیورر .

ذات باری تعالی و تقدس حضرت تری حقنده ظن عاوی همتانده
بولان کیمسه علوه متک مستند اولدینی توفیق الہی دلالتیه مقصد
حقیقت جو یانه سنه واصل اولور . و كذلك نور جبهه اسلام
علیه الصلاة والسلام اقدم من حضرت ترینک حدیث احسانده واقع
اولان و معنای جلیلی « احسان ، جناب حق کورر کی عبادت
ایتمک ککدر . » تعلیم عالسنی متضمن بولان « الاحسان ان تعبد الله
کا نك تراه » قول شریفی دخی احادیث جلیله صحیحه دندر .
حضرت رسول کبریا صلی الله علیه وسلم اقدم من بو حدیث شریف
موجبجه مادامکه بزه باب خیالی استعمال ایچون آچشدور ، ارتق
اویاب هدایتی قیامق معقول و روا دکدر .

عارف شهر مولانا بکری حضرت تری « التذويحات الالهيه
للحضرة النبويه » نامیه تألیف ایلدیکی رساله ده سرور کائنات
علیه اشرف التحیة اقدم من مشاهده جمال جمیلنه بتوفیق الله
تعالی وسیله اوله نیله جک توجه قلبی بی براق قسمه تقسیم ایلمش
و جناب الله کندیسنه خیر ایله مکافاة بیورسون ، اولبابده پک

کوزل سوزلر سويامش اولديغدن اقسام مذکوره يي بروجہ زیر
پیرایہ صحیفہ بیان ایلدک . مؤلف مشارالیه اقسام مذکوره يي
بیانہ پاشلیہ رق دیرکہ : ای قرداشم جناب ولی التوفیق ، بی
وسنی روشن نظر جمال محمدی اولمغه موفق بیورسون . معلومک
اولسون کہ حضرت نبویہ توجہات قلبیہ نک قسم اولی ،
مظهر تام الہی صلی اللہ علیہ وسلم اقدمزک صورت شریفہ سنی
کمال اجلال و تعظیم و ہیبتہ پیش نظر خیالکده استحضار ایتمک
واستحضارہ موفق اولدیغک حالده حضور لامع السورندہ کمال
تأدبہ بولمقدرد . بوکا مقتدر اولہ مدیغک تقدیرده رؤیادہ کورمش
اولدیغک صورت جلیلہ يي کوزیکک اوکنہ کتیر ! اکر رؤیادہ دم
کورمک شرفہ اصلاً نائل اولمامش ایسک او حالده صلی اللہ علیہ
وسلم اقدمز حضرتلرینہ صلاۃ و سلام او قودیغک وقتہ اجلال
و تعظیم و ہیبت و حیا ایلہ متأدب اولدیغک حالده کندیکی حضور
اقدس رسالتپناہیندہ حاضر ، فرض و تصور ایلہ ! محقق بیلکہ
علیہ الصلاۃ والسلام اقدمز حضرتلری سن ذات شریفی ذکر
ایتدجکہ سنی کورر ، و ایشیدیر . زیرا عارف معروفک وصفیلہ
موصوف اولوب افراد بشر ایچندہ ایسہ جناب حق انک زیادہ
بیان اعرف الانبیاء علیہ افضل التحایا اقدمز اولدینی ایچون
صفات جلیلہ الہیہ ایلہدہ انک زیادہ بہرہ مند اتصاف کندیلری
بولدیغدن و حق سبحانہ و تعالیٰ حضرتلری ایسہ کنینی ذکر
ایدنلرک عظمت و جلال زبانیسنہ لایق صورتدہ جایسی اولدیغدن

نور رحمت مولا صلی اللہ علیہ وسلم اقدمزک بوصفات جلیلہ الہیہ ایلہ
موصوفیتدن طولانی سنی کوروب ایشیدہ جکندہ امین و مطمئن اول .
قسم ثانی : جناب رسالتپناہ علیہ صلاۃ الالہ اقدمز
حضرتلرینک جلال و جمالی جامع صفات کمال و اوصاف رب متعال
ایلہ متحلی وازلاً وابدأ انوار ذات الہیہ ایلہ منور و مشرف
اولان حقیقت کاملہ لرینی تخیل و استحضار ایتمکدر . اکر بوکا
قادر اولہمز ایسک شونی بیاملیسن کہ اکمل رسل صلی اللہ علیہ
وسلم اقدمز وجیودک قدیم و حادثدن عبارت اولان طرفینی
ایلہ قائم بولنان روح کل اولوب ذات شریفی ذاتاً و صفہً جہتیندن
ہر برینک حقیقتیدر . زیرا ذات اقدس رسالتپناہیسی نور ذات
حقدن یارادلش اولمق حیثیتیلہ ذات حقک اوصاف و افعال و آثار
و مؤثراتی عیناً و حکماً جامعدر .

ای طلبکار سعادت سرمدی ! سکا ذات رسالتپناہیلرینک
صورت و معنائی علی الدوام ملاحظہ یداہتمام ایتمک تو صیہ ایدرم .
اگر ابتدای امرده بونی استحضارده التزام تکلف ایسک بیلہ
انشاء اللہ تعالیٰ عن قریب روحک ذات شریفی ایلہ کسب الفت
ایدرک سکا صلی اللہ علیہ وسلم اقدمز عیاناً تجانیهای دیدار اولدینی
حالده ذات شریفی بولورسن . و کند ایسہ شرفیاب مکالمہ و مخاطبہ
اولہرق صحابہ کرام رضوان اللہ تعالیٰ علیہم درجہ عالیہ سنہ یقین
یر مرتبہدہ مظهر فوز عظیم اولورسن .

معلومک اولسونکہ ولی کامل معرفۃ اللہدہ بالا پرواز ترقی

و کمال اولدقجه جناب حق حین ذکر نده «انا جلیس من ذکر فی»
حدیث قدسی منطوق جلیله کنایه جلیس بولدیفندن
طولانی حال و طورینه برکونه تغیر واضطراب عارض اولمقترین
کمال ثبات ایله منبسط و متشکر اولور و مظهر تام الهی صلی الله
علیه وسلم اقدمزک معرفتده ترقی بولدقجه سید الکونین
اقدامزنی یاد ایتدیکی یعنی صلاة و سلام کتوردیکی ائشاده مضطرب
اولوب اشبو اضطرابک کندوسنده آثار فعلیه سی ظاهر اولور .
زیرا ولینک جناب حقه اولان معرفتی کنایه استعداد و تحملی
درجه سنده اولوب سید الوجود صلی الله علیه وسلم اقدامز اولان
معرفتی اینسه مبدأ الكل اقدامزک مرأت قابلیتدن متجلی اولان
معرفه الهی متحصل اولدیفندن بوتجلی به و ظهور آثارینه قارشو
ثبات ایتمه طاقت و قدرت بوله من .

ولینک سید الاولین و الاخرین صلی الله تعالی علیه وسلم
اقدامز اولان معرفتی تراید ایتدکجه دیگر لرندن اکملیتی متحقق
اولوب کنایه سی علی الاطلاق حضرت آلهیه ده نائل مکانت
و معرفه الهیه ده زیاده شرفیاب دخالت اولور .

ای بشارت خواهان سعادت ابدیه ! سزه مزده لر اولسون که
سید الوجود صلی الله علیه وسلم اقدامز حضرتلرینک جمله
خصائص جلیله لرندن بریده شودر که اولیاء الهی هر هانکیسی
علیه الصلاة والسلام اقدامز کالات معنویه خلعتلرندن برخلعتی
کیمش اولدینی حالد تجلیات الهیه دن برتجایده رؤیت ایتسه
صلی الله علیه وسلم اقدامز اوتجلیده لابس اولدینی خلعتی اولوی به

تصدق واحسان ایدوب اوخلعت جلیله اکا هدیه رسول اولور .
اگر ولیده قوت و استعداد و ارایه دارد نیاده فی الحال اوخلعتی
کیمک ممکن اولور . ولی اوقوتی حائر دکلسه اوخلعت عند
الهیده محفوظ قالوب اوولینک دنیا ده یا آخرتده استعدادی قوت
بولدینی زمان کنایه کیدیریلور . بوخلعت هر کیمه میسر
اولوبده بونی دنیا ده و یا آخرتده اکتا ایدرایشه جناب پیغمبر
صلی الله علیه وسلم اقدامزک بوبایدکی قوت جلیله سی او ذاتده
ظهور ایده جکندن هر کیم که اشبو ولی بی دنیا ده اوخلعت
جلیله نبویه بی لابس اولدینی حالد تجلیاتدن برتجایده رؤیت
ایتسه بوولی دخی لابس اولدینی اوخلعت جلیله بی چیقاروب
طرف جلیل پیغمبریدن اولمق اوزره رائی ثانی به تصدیق ایدر
و در حال اوولی به کندوسنک رائی ثانی به تصدیق ایتدیکی خلعتده
عوض اوله رق طرف جلیل پیغمبریدن اولکی خلعتدن ده
مکمل دیگر بر خلعت جلیله منوره نازل اولور . و شوجال بو
صورتله الی التهایه دوام ایدوب اوولینک اشبو قوتی کندوسنی
مشاهده ایدن سائر ولیرک هر بری حقده دأب و عادت اولمقدن
ابدأ زائل اولمز .

فتح باب مقصود ایچون دیگر بر کیفیت ده واردر که اوده
صلی الله علیه وسلم اقدامز حضرتلرینک بتون مکنوناتی طولدیرمش
و احاطه ایتمش اولدینی و بایکه «ان الله خالق من نوره و خالق الخلق
من نوری» حدیث شریفی منطوق جلیله کاشفات عین ذات شریفی
ایدوکنی و کنایه سی بر نور محض اولوب سن دخی او نورده محو

و مستغرق اولدیغکی باش کوزک قبالی و قلب کوزک آجیق اولدینی
حالده ملاحظه ایتمک ککدر . بوضورتله سکا اونور شریفده
استغراق و محو و غیوبت حاصل اولنجه مقام قنایله اتصاف ایتمش
اولورسن ! فنا فی رسول الله مقامنه نائل اولان کیمسه ذوقیاب
محبت رسول اولور .

ایشته ایکی قسمه منقسم اولان تعلق صوریدن بر قستی
بودر . و بونک کیفیتی بالاده ذکر اولدینی کبی صلی الله علیه وسلم
اقدامن حضرتلرینه کمال شوق و محبتله تبعیت ایتمک ککدر !
تا که محبت جلیله سنک جمیع وجود کده ذوقی بوله سن !

نام پاک الهی به قسم ایدرمکه بن غایت صیجاق بر زمانده
فوق الحد صوصامش اولدیغ حالده ایچدیکم صغوق صویک تکمیل
اعضا و جوارحه تأثیر و سریانی نصل حس ایدرایسم صلی الله
علیه وسلم اقدامن حضرتلرینک محبت جلیله لرینی دخی قابمده ،
روحده ، جسمده ، جالده ، بشون تو یلرمده اووجهله
بولوب حس ایدرم .

﴿ استطراد مترجمه ﴾

سیدالوجود صلی الله علیه وسلم اقدامن تبعیتک وجوبی
تأییداً عبدالغنی النابلسی قدس سره «رسالة العبودیه علی متابعة البینه»
عنوانلی رساله سنده یازمشدرکه جناب هادی مطلق عبادینی
«قل ان کنتم تحبون الله فاتبعونی یحیکم الله» قول جلیله حبیب

ذیشان صلی الله علیه وسلم اقدامنک اتباعنه مأمور بیورمش
و محبت الهیه سنی بوتبعیته شرط ایتمشدر . «شرط بولنمنجه
مشروط بولنمز» قاعده کلیه سنه نظراً قول ، سنت نبویه به امتثال
و تبعیت ایتمکسزین عندی اوله رق اجرا ایلدیکی طاعت و عبادتله
هیچ بروقت محبة الله و وصول بوله من . عبادات عنده نك فائده
بخش اولسی لازم کلسه ایدی معرفه الله و عبادت ایچون انزال
کتب و ارسال رساله احتیاج کورنمز ایدی . لکن امر عبودیت ،
هرایکسنده محتاجدر . تا که رسل عظام ، کتب منزله دن احکام
الهی نی ناسه تبایغ ایله انلرده او احکام جلیله به توفیق عبادت
و بوضورتله حقه کسب قریبت ایله لر . زیرا چاب کائنات آفرین
جل شانده حضرتلری خالق ، معرفه الله مظهر اولق و خالقک
استدیکی وجهله دکل ذات جلیل الهی سنک اراده سی وجهله
عبادت ایتمک و ذکر و تسبیح و تقدیسنه چالشمق ایچون خالق
و ایجاد بیوردی . بناءً علیه جناب غنی ذی الجلال قوللرینک
ایمان و طاعتی انبیاء و رسل عظام علیهم الصلاة والسلامک
تعریف و هدایتله اولمدنجه قبول بیورمن و وصلت الهیه سنه
بول ویرمن . اشته بو حکمت ازلیه به میندرکه عباد الله «وما آتاکم
الرسول فخذوه و ما نهاکم عنه فاتهوا» امر الهیسیله رسول اکرم
صلی الله علیه وسلم اقدامنک عبادتدن امر بیوردینی عباداتی
ایشلمکه و نهی ایتمدیکی معصیتلردن صاقمننه مأمور اولمشدر .

ایمدی وصول الی اللهی و محبت رسول اللهی استیان کیمسه
اعرف الانبیا اقدامنک امر ایتمدیکی شیلره امتثال و نهی ایتمدیکی

شیردن اجتناب ایتلی و جمیع عبادات و عادات و حرکات و سنکات و اخلاق و صفاتنه اتباعه چالشملیدر . زیرا وصول الی الله ، اتباع رسول الله مشروطدر . بناء علیه هر کیم که رسول الله علیه الصلاة والسلام اقدمزک مشاعر و ماثربنه ، موارد و مصادربنه ، اقوال و افعاله اتباع ایتمزسه طریق اللهده حرمانزده عرفان و ظلمات او هام و عقولده هائم و حیران قالیر ، زیرا جناب الهی عزیز و جلیلدر . دلیله اتباع اولمزسه حضرت قدسیه سنه وصول میسر اولمز .

او دلیل جلیل ده طرق هدایه اعرف دلائل ، و درجات علایه ابلاغ و سائل اولان هلی الله علیه وسلم اقدمزدر که سائر انبیا و مرسلین ایله حق سبحانه و تعالی حضرتلری ینتده واسطه اودر . زیرا « کنت نبیا و ادم بین الماء و الطین » حدیث شریفی و جهله سائر انبیا و مرسل یوغیکن ذات شریفی عالم ارواحده نبی مطلق ایدی . بلکه خالق لا یزال ایله جمیع عوالمک خلقی ینتده « لولاک لما خلت الافلاك » حدیث قدسی دلات ایلدیکی اوزره واسطه ، ذات رحمت ماییدر . حضرت موسی علیه السلام جمله اتباعندن اولمنی تمنی ایتمش ایکن ارتق قننی عاقل اور رسول کریمه تبعیتدن نصل امتناع ایده نیلور ؟

سرور انبیا اقدمز سر اپرده حضرت ذاتیه نک حامیسی و ابواب حضرات صفاتیه نک حاجی در . نور محمدیسی « اول ما خلق الله اولدایچون هر برشی محیط و نور الهی به متصدر .

نور انبیه ، سر وجود ذاتی و روحانیتیه ، کافه عوالمک تمد حیاتیدر . بنابرین هر کیم که نور بدیع محمدیسیله قریرالین فیض اولمزسه حضرة الله واصل اولمز . بوتک ایچون حقه کیدن یوللرک طریقت محمدیه و سنت احمدیه دن غیریسی قبالیدر . ایدی وصول الی اللهی استیان کیمسه طریقت محمدیه و شریعت علیه سنه سالک و سنت سنیه سنه متبع و متمسک اولسون . زیرا « من یطع الرسول فقد اطاع الله » آیت جلیله سی حکم منیفنجه رسول الله اتباع ، حقه تبعیت و اکا اطاعت ، الله اطاعتدر .

شو مقدمه مشمول نکاه اذعان اولدقدن صکره معلوم اوله که : مرشد حقایق آموز عالم صلی الله علیه وسلم اقدمز تبعیت ایکی قسم اوزرینه در . بری اتباع ظاهری ، دیکری اتباع باطنیدر .

(اتباع ظاهری) فرائض الهیه بی ادا ، محارم و مکارهدن اتقا ، اخلاق حمیده ایله انصاف ، آداب عبودیتله تأدب و اثتلاف ، شهوات دنیادن ترهد ، مایسوی اللهدن اعراض ، اعمال آخرته میل و اقبال ، فقری اختیار ، استغنا پروران فقرایه و صلاحکاران علمایه محبت و انلرک احسان و حرمت و خدمت و معاونتله نظر محبتی جلب و دعوت . حب فی الله . بغض فی الله .

(اتباع باطنی) مراقبه ، آلاء الهی تفکر ، جناب الهییه عشق و محبت . لقاء الله توجه و اشتیاق ، خوف و رجا ، حق تعالی حضرتلرینه جمیع احوالده حسن ظن ، رضا ، شکر ، تسلیمیت ، حیا ، طریق تقواده ثبات و استقامت ، توکل ، اطمینان نفس ، ترک هوا ، ایله میسر اولور . اشته هر هانکی بختیار شو ایکی

اتباع سلامت انجام ایله اکل رسل و هادی سبل صلی الله علیه و سلم اقدمز تبعتی قلباً و قالاً قصد و اختیار ایلر و بویولده استطاعتی صرف و ایثار ایدر سه سنی محقق و درجه استعداد و قابلیت کوره « فاولئك مع الذين انعم الله عليهم من النبيين والصديقين والشهداء والصالحين » آیت جلیله سنک متضمن اولدینی صنوف جلیله دن برینه ملحق اولور .

اخطار : شواکی اتباع نجات بخشانک تفصیلات اجرائیه سنی عارف اسرار لاهوت شیخ اکبر قدس الله سره الاظهر حضرت تلیرنک فتوحات مکیه سنک خاتمه سی اولان کتاب وصایا جامع بولمیش و کتاب مذکور لسان عربی به آذربایق و قوفی اولانلرک اکلایه جفی یولده سهل المبار اولمقله برابر تسهیلاً للطالبین فتوحات مکیه دن آروجه اوله رق مکة مکرمه مطبعه سنده طبع و تمثیل ایدلش اولدیغدن طالب حق اولانلرک کتاب مذکور مطالعیه ماسارعتلری خالصاً لوجه الله اخطار اولور . انتهى

ای طالب حق ! یوقاریدن بری بیان ایلدیکم وصایا و تبلیغاتی حسن باقی و قبول ایله ! زیرا محبوب خدا علیه افضل التحایا اقدمزک محبت جلیله لری « النبی اولی بالمؤمنین من انفسهم » نص جلیلی و « لَا یُؤْمِنُ أَحَدُکُمْ حَتَّى أَکُونَ أَحَبَّ إِلَیْهِ مِنْ نَفْسِهِ وَمَالِهِ وَوَالِدِهِ وَوَلَدِهِ » حدیث شریفی دلالت علیه سینه هر بر مؤمنه فرض عیندر .

وصف و تعریف اولسان محبتی کندگده یوله من ايسرهك معلومك اولسون که ایمانکده ضعف و نقصان وارد . بو حالده جناب حقه یانوب یا قیلوب و استغفار و تضرع ایدوب کناملرکدن توبه ایتلیسن . و جناب پیغمبر صلی الله علیه و سلم اقدمزک کمال تأدیه صلاة و سلامنه کمال حرص و شوق ایله دوام کویسترمایسن . و اوامر جلیله سنی حسن اجرایه چالیشوب نهی و منع بیوردقلری شیردن صاقملایسن که بو محبت نائل اولوب شفیع اعظم اقدمز حضرت تلیریله برابر محشور اولمق شرفی احراز ایدسن . زیرا صلی الله علیه و سلم اقدمز حضرت تلیری « المرء مع من احب » بیورمشدر که معنای جلیلی انسان سودیکی کیمسه ایله برلکده در دیمکدر . اوت سن فنا فی رسول الله مقامنده تحقق ایدنجه اشبو قادن فنا بولمیلین مقام محمود بودر . اشته اوزمان ملاحظه ایتمکده اولدیغک نوردن ظاهر اولان صورتک کندوسنه افاضه ایتدیکی شیده اوزمان ملاقی اولورسن و بونک کیفیتی شو وجهله در که جناب پیغمبر صلی الله علیه و سلم حضرت تلیرینه حین توجهکده سن کندک دکل ذات رسالتیناهینک کندی نفس نفیس اقدس لرینه متوجه اولدیغنی ملاحظه ایلیمیلین و سن ذات جلیل پیغمبریده محو و تلاشی اولمیلین . و کذلک صلی الله علیه و سلم حضرت تلیرینه صلاة و سلام ایتدیگک زمان دخی اویله ملاحظه ایتلیسن که صلاة اوقویان سن دکلین بلکه کندی ذات جلیلی در . زیرا جمیع اشیا صلی الله علیه و سلم اقدمزک نور بدیع و جیلندن یارادلمشدر . و ذرات کائناتین هر بر ذره ده سیدالوجود اقدمزدن بر رقیقه یعنی بر سر

متمد و از در که اور قیقه فیض رسان امتداد اولدیتی مظهر ک قوت
و قابلیت حسیله تظاهر ایدر .

سن دخی اشیادن بر شقی اولدیغک حیثیتیه سنده ده علیه الصلوة
والسلام اقدمزدن بر رقیقه و اردر که اتناى توجهکده ذات جلیل
محمدیسنه متوجه اولان ایشته سنده مستور و مکنون اولان
اور قیقه در که توجهک نسبتنده سنی احاطه و استیلا ایتکده دوام
ایدر . حتی که کندهک صلی الله علیه وسلم اقدمز حضرتلرنده محو
و مستغرق اولورسن و کذلک سنی بر مقامدن دیگر بر مقامه نقل
و ترقی ایتدیرر تا که جناب حق سنی بقا بر رسول الله مقامه نقل
ایدر . بو حالده سن کالات مصطفوییه بی جامع و فیض حقیقت
محمدیه به وارث بر انسان کامل اولورسن .

ای سالك راه حقیقت ! جناب حقک سکا احسان و اعطا
ایتدیکی نعمتدن طولایي حمد و شکر ایدرک طالب مقام عبودیت
و مستغرق دریای احدیت و عارف تفرعات و احدیت بر عبدخالص
اول و یارب سنک ذات جلیلکده اولان خیرتمی زیاده قیل .
مناجاتی متضمن اولان « رَبِّ زِدْنِي فَيْكَ تَحِيْرًا » حدیث شریفی
منطوق جلیلنجه صاحب حیرت محموده اولمغه چالش . انتهى

عارف مشارالیه ینه رساله مذکوره سنک « المشهد الرابع »
عنوانیه معنون و شبکه شریفه ایله منبر منیف اراسنده ظهور ایدن
بر واقعه بی مبین اولان مجلنده شیویه یازمشدر که : منبر شریفک
قارشوسنده واقع مر مردن مصنوع مؤذن محفل یاننده اوتور مقده

ایدم . نا کهان بر نور ، بر توافشان ظهور اولوب تعلیمای وجود
اولدی . اوصرعه کویا المده بخاری شریف کتابی و ارایدی .
فقط بو کتاب جلیل بیلدیگمز شکل و هیئته اولیوب تعریف
اولمز بر رونق و لطافتی حائر ایدی . یازوسی ، ناقابل توصیف
اولوب شوقدردیه ییلورمکه خامه بدیع قدرتله یازلمش ایدی .
حجی پک بیوک ایدی . بو تحلی اراسنده کتاب مذکوره امعان
نظر تعجب ایتکده ایدم .

دیرکن اونور عظیم نظر کا همک فوقنده هر طرفی احاطه
و استیلا ایلدی . متعاقباً حقیقت محمدیه تجلیمای ظهور و نور جلیل
احمدی طلعتمای چشم شعور اولدی . ایشته بو تجلیده المنه لله
تعالی و تقدس صورت نوری رؤیت و اونور بدیع اللمعاندن
صورت شریفه محمدیه بی مشاهده ایله روشنظر سعادت اولدم .
حالت یقظه به رجوعمدن صکره مشاهد سیله مشرف اولدیغ
اوصورت جلیله بر خیللی زمان پیش نظرمده باقی قالوب کیجه
و کوندوز کوزمدن غائب اولدی . انتهى

رساله مذکوره دن مقصودمنه متعلق اولوب بورایه نقل
اولتان اشوب محفلر طالب و مسترشد ایچون کافیدر .

سیدالوجود صلی الله علیه وسلم اقدمز حضرتلر ینه شرفیاب
قرب و وصول اولیق اسباب و وسائلک الکبیر کلرندن بری دخی
اول حبیب اعظم کبری اقدمزک سرائر خانه ملکوت ارای فیض
و کاکله و اصل و قیله الاقبال ارواح اولان ذات شریفه محمدیه ینه

کلیله مقبل یعنی قولاً وفعلاً و حالاً و خالقاً سنن سینه سه متوسل
والحاصل رهنمای سرمزل طریقت جلیله سی اولوب عند
رسالتپناهینده نعمت قرب و قبوله نائل اولان روشندلان انوار
حقیقتک فیض صحبتدر .

جناب حق تقدست ذاته حضرتلری قرآن مجیدنده « یا ایها الذین
آمنوا اتقوا الله وكونوا مع الصادقين » بیورامشدرکه معنای جلیلی
« ای مؤمنلر . جناب حقندن اتقا ایدیکلر ! وصادقلر ایله برلکده
بولنکلر ! » دیمکدر . ایمدی جناب حقک قولدرینی صادقلر ایله
بولنکلر خطابی ایله مقام صدقه ارشاد و دعوتی انجق اشیو مقام
نجات انجماک ، ابواب جود و کرم آللهینک مفتاحی وذات صمدانیسی
ایله رسول جلیلنک صحبت و مشاهدسنک وسیله موجب الفلاحی
اولدینی ایچونددر .

جناب پیغمبر صلی الله علیه وسلم اقدمز حضرتلرینک « المرء
مع من احب » و « المرء علی دین خلیله فلینظر احدکم من ینحالی »
حدیث شریفلری دخی بوکادالالت ایدرکه برنجینک معنای شریفی
« کشی سودیکی ایله برابردر » وایکنجینک مدلول عالینسیده
« انسان دوستک دینی اوزره در . ایمدی باقیکزکه ! کیمله
دوستلق ایتکز لازم کلور ؟ » دیمک اولور . عبدالکریم کیلانی
قدس سره حضرتلرینک شواہیات جلیله سی دخی بومعنای
مشعزدر .

بعض دفعه ده بالعکس جهت اختلاف ، مابهالاتحاد اوزرینه
او مرتبه قوت بولورکه شخصینک اجتماعی ممکن اولیه جق صورته
تنافر و ضدیت وجود بولور .

حاصلی هرکیم موضوع بحث اولان اصول خسه بی تحصیل
و استکمال ایلر سه کندیسیله عرفان پروران غیب و شهوددن
یکشمش اولان کمل اعززه کرام نورالله تراهم حضرتلرینک ارواحی
اراسنده مناسبت ، ثابت اولوب دیلدیکی زمان انلرله برلشیر .

شیخ احمد الصاوی قدس سره صلوٰة اللہ علیہ وسلم « اللهم صل
وسلم وبارک علی سیدنا محمد وعلی آله » و ارزقنا بسبب الصلوة
علیه لذة وصاله « جمله لرینک شرحده : لذت وصال ، قرب
رسالتپناهیدن کنایت اولدینی و بوحالده جمله اخیره نک معناسی :
« یارب حیب ذیشانک اقدمزله ارامزده کی حجابلرک زوالی
سببیه قرب رسالتپناهینسه موفق بیور ! » دعاسندن عبارت
بولندیقی بیان ایلدکدن صکره دیمشدرکه : رسول کبریا علیه
افضل التحایا اقدمزی شهود . اهل الله ایچون منتهای مقصود
اولوب بوحکمته مبنی ابوالحسن الشاذلی رضی الله عنه « لو غاب
عنی رسول الله طرفه عین ماعدت نفسی من المسامین » یعنی
جمال جیل حیب خدا بر لحظه دیده شهودمدن غائب و ناپیدا
اولسه کندمی مسلمیندن صایمازدم دیر ایدی .

بدایعنا یاسرار ملک صوری و معنوی قطب العارفین حضرت
سید احمد بدوی قدس الله سره القوی دخی بومعنای توحید
اختوایی تنویراً :

ولو غاب عني المصطفى لحظة لما حكمت باني مسلم في عقيدتي
بتيلاه سالكان طريقتي بهر دمنند اتباع بيور مشدر .

وامام بوصيري رضى الله عنه قصيدة مشهورة همزيه سنده :
ليته خصني بروية وجهه زال عن كل من رآه الشقاء
ديمشدر كه مدلولي : جناب حق توليدي بني بروجه جميلك
رؤيت جماليه قري العين اختصاص بيور هيدى كه اوروى منير
فيضا فيضي كور نلرك هيسندن شقاوت زائل اولور . (ديمكدر .
وامامه سبحة سادات وقائيه قطب العارفين سيد على وفا رضى الله
عنه دخي :

قد كنت احسب ان وصلك يشترى

بكرائم الاموال والاشباح

وظننت جهلا ان حبك هين

تغنى عليه نفائس الارواح

حتى رايتك تجتبي وتخص من

احبيته بلطائف الامناح

فعلمت انك لا تنال بحيلة
ولويت رأسي تحت طي جناحي

وجعلت في عش الغرام اقامتي

ابدا وفيه توطني ورواحي

بيور مشدر كه مالا ترجمه منظومه سي بودر .

اشترای جوهر وصلك صانوردم را يكان

بذل مال ونجسم ايله اي بارى كون ومكان

جهل ايله تخمين ايدردم عشقكى امر يسير

كر ايدرسهم راه فيضكده فدا، روح روان

تاسنى كورددم كه وصلك چون ايدرسين اصطفيا

هر كيمى سودكسه لطفكاه ازله بي كان

اكلادم تدبيرله ممكن دكلدر وصلتك

باشمى چكدم جناحم الته بي اين و آن

لانه عشقى اقامتكاه ايدندم كنندمه

انده در آرام جانم انده در آرام جان

معلوم روشندان حقیقتی در که قریب العین دیدار پاک محمدی
اولنلر روشن نظر تور جمال احدی اولمش دیمکدر . زیرا تجلیگاه
حقیقت بر در . کیمکه وسیله به بالغ اولورسه . مقصدی کورمش
اولور . بویکی شهودک اراسنده فرق کورن کیمسه نعمت جمال
وحدانیت کبریا ولدت معرفت انیسادن ذوقیاب اولمامشدر .
عارفلر ، علو همتلری الله تعالی حضرتلرینک ورسول کریمی
صلی الله علیه وسلم اقدمزک نشوؤ محبته ظفریاب اولق یولنده
صرف وایشار ایلدیلر .

بوسغادته وصول مقصدیه مشارالیه من بعضیسی امام برعی
و بوسیری رضی الله عنهما کی وسیله رحمت مولا علیه اکل التحایا
اقدمز حقتده و بعضیسیده ابن فارض قدس الله سره و امثالی
کی مقصد اصلی صد دنده و کیمیده سید علی ابن وفا رضی الله عنه
کی هرایکی مقامده اشعار عاشقانه ایله ناطقه پیرای توحید اولدیلر .
هپسک نقطه نظری اینسه جهت وحدته منعطفدر . انتهى

مظهر جمال حق صلی الله علیه وسلم اقدمزه و صولک
اسبابندن اک بیوکی ، حبیب کبریا علیه اکل التحایا اقدمزک
خیال عذیم المثلک همیشه پیش نظر بصیرتده استقرارینه قدر
کندیسه کبرته صلاه و سلام ایدرک صفات جلیله سنه تعاق
حاصل ایتمکدن عبارت اولدیغیچون دلائل الخیرات مؤلف
کالا پروزی رضی الله عنه روضه شریفه نک صورت مقدسه سنی
دلائل الخیرات ایچنه نقش و وضع ایلدی که روضه مطهره دن
اوزاق اولان کیمسه ، صلاه و سلام او قودینی و قتده روضه

شریفه نک صورتندن حرمخانه عرش آستانده مضجع آرای
رحمت اولان صلی الله علیه وسلم اقدمزک تصویرینه انتقال ایلده .
کثرت صلاته برابر بوتصوری تکرار ایتدیکجه محیل ، محسوس
درجه سنی بولور . اصل مقصود دخی بو جهتدر . عارفیندن
بری نظم آتی ایله بومعنايه اشارت بیورمشدن .

﴿ نظم ﴾

فروضتک الحسنی منای و بغیتی

وفیه شفا قلبی و روحی و راحتی

فان بعدت عنی و شط مزارها

فتمثالها عندی باحسن صورة

وهنا انا یاخیر النیین کلهم

اقبلها شوقاً لاطفاء غلتی

مألاً ترجمه منظومه سیدر :

روضه قدسکدر ! انجق مطلبم کیم انده در

کو کلمک محض شفا سی ، انشراح ، راحتی

دورایسه بندن توله اول مطلع الفیض وجود
احسن تمثال ایله وارددر یا نمده صورتی

پوسه چین اشتیاقم ایشته اول تمثالدن

دمبدم اطفای ایچون سوز فراق وحسرتی

بومعاده اولان شور باغی دخی پک لطیفدر :

اذا ما الشوق اقلقنی الیها

ولم اظفر بمطلوبی لیدیها

نقشت مثالها فی الکف نقشاً

وقلت لناظری قصرّاً علیها

﴿ مالا ترجمه منظومه سی ﴾

اشتیاق روضه ک ایتدیکه بنی مشتاق وزار

بولسه یوز سورمه ک ای نور مولایا اقتدار

نقش ایدوپ ال آیه مه مثلن، دیرم ای کوزلرم

اشبو نقشه ایلک قصر نکاه اعتبار

نبی اکرم صلی الله علیه وسلم اقدامزه کثرت صلاتدن مصلی
ایچون تقو و ثواب حاصل ایهده عارف لک کثرت صلاته دوامدن
مقصدی بودکلدر .

عارف بالله شیخ الدمر داش رضی الله عنه مقصد عارفی
بیان ایچون شوییتی نه کوزل سویلمشدر :

لیس قصدی من الجنان نعیماً

غیرانی ازیده ها لاراک

﴿ ترجمه سی ﴾

مقصدم نعمت دکل جتدن ای رحمت مأب

آنده کورمکدر همان دیدار پاک بی حجاب

عمر ابن الفارض تفعا لله به سر نهاده بالین احتضار اولوبده
غطاء بشریت انکشاف پذیر حقیقت اولدینی دم واپسیده
رحمتسرای بهشته کنیدیچون حاضر نمش اولان نعم الهیه
مشاهده ایدنجه ناطقه پیرای استغنا اولدینی شوییت دخی معنای
مبحوث عنیهی متضمندر .

ان کان منزلتی فی الحب غندکم

ما قد رأیت فقد ضیعت ایامی

مدلولی : الہی . محبت خصوصندہ تجلیسرای رحمت
صمدانیہ کدہ مرتبہ و منزلتم شو کوردیکم نعمتاردن عبارت ایسہ
تحقیق تضييع ايام ايتشيمدر . زیرا بنم مطلبم مجرد روشننظر
جمال عذیم المثلک اولمقایدی ، دیمکدر .

طریقت احمدیہ شاذلیہ نک ورد مخصوصی اولوب فضیلت
ومزیتی بالادہ خامہ کذار بیان اولان صلاة عظیمیہ بی بومقامدہ
ذکر ایلہ تبرک ایدرز . زیرا صلاة جلیلہ مبحوثہ قطب دائرہ
تقدیس سید احمد بن ادريس حضرت تارینک « کنوز الجواهر
النورانیہ فی قواعد الطریقة الشاذلیہ » آدورسالہ سندہ ذکر و بیان
وشیخمن ازاهیم الرشید قدس اللہ سرہ طرفدن باتدفعات بزمہ
حکایہ واتیان بیورلدینی وجهلہ مرشد طریق ہدی صلی اللہ علیہ
وسلم اقدمز ، تعلیم کردہ سبحانی ومظہر حیات جاودانی اولان
خضر علیہ السلام برابرندہ بولندینی حالہ اذکار طریقت شاذلیہ بی
تلقین بیوردقدن صکرہ فم حقائق آموز رسالتپناہیسندن مشارالہ
سید احمد بن ادريسہ تلقین بیوردینی وطالب اولنلرہ تلقینتی
امر ایتدیکی برصیغہ عظیمہ در .

صلاة شریفہ مبحوثہ نبی اکرم صلی اللہ علیہ وسلم اقدمزہ
وصولہ واسطہ اولان وسائلک الک بیوکلرندندر . بوسعادتی
صلاة مذکورہ نک عبارة اخیرہ سیدہ مبشردر . شوراسیدہ
معلوم ومحققدرکہ مؤمنندن بزجوق بختیاران . بوصلاة شریفہ بیہ
دوامہ موفقیتلری سبیلہ فیضیاب وصول حین رحمان
اولمشارددر .

﴿ صَلَاتِ شَرِيفَةٍ مَذْكُورَةٍ أَشْتَهَتْ ثَبِتَ صَحِيفَةٍ ﴾

﴿ تَعْظِيمِ قَلَنْدِي ﴾

اللهم اني اسئلك بنور وجه الله العظيم الذي ملأ اركان
عرش الله العظيم وقامت به عوالم الله العظيم ان تصلي على
مولانا محمد ذي القدر العظيم وعلى آل نبي الله العظيم
تقدر عظمة ذات الله العظيم في كل لمحظة ونفس عدد ما في
علم الله العظيم صلاة دائمة بدوام الله العظيم تعظيماً لحقك
يا مولانا يا محمد يا ذا الخلق العظيم وسلم عليه وعلى آله مثل
ذلك واجمع بيني وبينه كما جمعت بين الروح والنفس
ظاهراً وباطناً يقظة ومناماً واجعله يارب روحاً لذاتي
من جميع الوجوه في الدنيا قبل الآخرة يا عظيم .

بوصلاة شريفه نك سمو مكانت و علوشان و مزيتده نظيري
آينه عزت كبريا عليه افضل التحايا اقدمك مشاراليه سيد احمد
ابن ادريس رضي الله عنه مذكور صلاة شريفه اياه برابر تلقين
وطالبان حقه تعليم ايمسني امروتنيه بيوردينه تهليل جليلدر كه
اوده شوجه توحيد اشتمالدر : « لا اله الا الله محمد رسول الله
في كل لمح و نفس عدد ما وسعه علم الله » :

شيخ كامله ز روشن نظر نور توحيد، حضرت ابراهيم الرشيد
ديرايدى كه : نبي ذیشان عليه صلواة الرحمن اقدمز بوتهلل
شريف حقنده غوث الواصلين احمد بن ادريس رضي الله عنه
خطاباً « خزنها لك يا احمد لم يسبقك من لدن آدم احد علمتها
اصحابك يسبقونها الاوائل » يعنى يا احمد جوهر يكتاي سعادت
اولان بوكمة جاليه يي سنك ايجون خزينة سرائر ازليده صاقلادم
آدم عليه السلام دنبرو بويه بزتهليل اياه سني افراد آفريده دن
كيمه ساحه پنهان توحيدده كچمدى آنى اصحابنه تعليم اياه كه
انلر اسلافى سبق اياسونلر . حاصل صلاوة عظيمه رسول الله
صلى الله عليه وسلم اقدمزه يا قلاشديران بر صيغه جليله اولدينى
كي بوتهلل شريف دنخى وصلت جناب مولاي موجب اولان
اوراد منيفه دندر .

﴿ خاتمه ﴾

الله عظيم الشان جلت عظمته حضرت تبارينك رسول كريمى

وحبيب امينى بركت و حرمته بزم وكافه مؤمنينك حسن خاتمه يه
موقتيمزى بارگاه رحمت الهيه سندن نياز و تضرع ايلرز .
معلوم اوله كه يوقايدن برو ذكر و بيان ايتديكمز سعادت
سرمديه و وصول ايجون سيف قاطع و قول جامع سبب آفرينش
عالم صلى الله عليه وسلم اقدمزه محبتدر . زيرا محبت اصل الاصول
ولب معقول و منقولدر . سادات صوفيه قدس الله اسرارهم
ديديلر كه : استعداد پروران مریدانك سيراب عرفان الهى
اولق ايجون آب زلال معارف واسرار طالدير دقلى آوانى
صفوت مجرد فرط مهربانى و محبتدر .

محبتى جلب و تزويد ايدن تدابير ايسه سويلان شيتك محاسن
وفضائى تذكر و تأمل و انك اوصاف مرغوبه سندن ممكن
اوله بيلته تعلق و توسلدر . ايشته صوفيه كرام عندنده رابطه
دنيلان شى بوتعلقدن عبارتدر . حضرت حسن بن على رضي الله
عنهمانك شفاء شريفده مندرج اولوب « خال محترم هند رضي الله
عنهي حليه حبيب كبريا عليه افضل التحايا دن سؤال ايلدم . زيرا
كنديسى و صاف رسول الله ايدى . اميد ايلرم كه حليه شريفه سندن
تعلق ايديه بيه جكم برشى بكا وصف ايدر » مألده اولان :
« سألت خالى هنداً عن حلية رسول الله صلى الله عليه وسلم وكان
وصافاً وانا ارجوان يصف لي منها شيئاً أتعلق به » حديث شريفى
اياده بوتعلقك صحت شرعيه سى مثبتدر .

معلوم اوله كه نبي ذیشانز حبيب اديب كبريا عليه افضل التحايا
اقدمزه صفات بر كزیده دن افضل و اكرمى و اخلاق حميده دن

اشرف واعظمی اعطا بیورمشدر . ته کیم جناب علیم لم یزل
قرآن کریمده « و انک لعلی خلق عظیم » ثنای الهیسیله بوحقیقه
شهادت بیورمشدر .

سیدکائنات اقدمزک صورت شریفه سی صور جمیله تک الک
کوزلی ، وسیرت جمیله سی اصحاب تواریح و سیرک اتفاقیه سیرتک
احسن وافضلی ایدی . اعزّه کرامدن بری فضل رسول اکرم
حقنده :

الفضل کان موزعاً بین الوری

فجمعت فی ذاته اشتاتاً

بیته نه کوزل سویامشدر . مال لطیفی : « فضل و کمال و حسن
و جمال ذات شریفه محمدیه سنک اجزای نورانیه سندن عبارت
اولان کائناته منقسم اولدینی حالدیه او کوزلر کوزلی و جناب
حقک حبیب بی بدلی اقدمزک صورت ناسوتیه سنده تجمع
ایلدی . » دیمکدر .

امام بوصیری قدس الله سره دخی :

دع ما ادعته النصاری فی نبیهم

واحکم بما شئت مدحاً فيه واحتکم

بیته بوحقیقی برطرز لطیفه تأیید ایلمشدر . معنای : « ای
مدایح برای حبیب خدا نصارانک حضرت عیسی علی نبینا وعلیه
افضل التحایا حقنده دعوا ایلدیکنی ترک ایله یعنی تکریدر دیمه

واللهک شریکدر و اوغلیدر کی باطل دعواوردن برنده بولمه .
اندن بشقه نبی ذیشانمزک وصف و ثنای حقنده هر نه سویلر سهک
سویله و هر نه حکم ایلر سهک ایله و بو مدخ و حکمه کده تحکم نمای
ثبات اول « دیمکدر .

ایمدی صفات جمیله رسالتپناهی صوریه ، سیری ، روحیه .
عنوانلریله اوج قسمه منقسمدر .

صفات روحیه سی مبدأ فیض وجود صلی الله علیه وسلم
اقدمزدن مروی اولوب « نبی ربمدن غیری حقیقت ادراک ایله
کیمسه ادراک ایتدی » مآلده اولان « لم یدرکنی حقیقه غیر ربی »
حدیث شریفی دلالت ایلدیکی وجهه صفات روحیه سی حد حصر
و ادراکدن خارجدر .

واسطه رحمت مولا علیه افضل التحایا اقدمزک صفات
روحیه سه تعلق ایتک ایستیان هدا جویان حقیقت ایچون سید
احمد بن ادریس قدس سره النفیس حضرت تارینک احزاب شریفه سی
خاتمه سنده آرایش صحیفه سطور اولان اون درت صلواة جمیله
کافیدر . صلواة شریفه مذکوره حقیقت ازلیه محمدیه سه نسبتیه
بربنده دن عبارت ایهده اکا وصول و تعلقه طالب و مرید اولان
کیمسه ایچون ان شاء الله تعالی اعظم وسائل و اکرم وسائلنددر .

شیخ مز ابراهیم الرشید قدس سره حکایه بیورده اولیاء الله بدن
برذات واقعه ده منول حضور سید کائنات اولوب دهان معجز
بیان رسالتپناهی سندن « بنم حقیقتم صحیفه بیانه یازیله من ؛ یازلمق
لازم کلسه یدی بعض صلواتنده « اللهم صل علی طامة الحقائق
الکبری سر الخلوۃ الالهیه لیلۃ الاسری » دیش اولان او غلام احمد

یازمغه موفق اولورایدی، مآلدم برسوز ایشتمشدر، شاعرن
خاص محبوب خدا حضرت حسان رضی الله عنه المنان حضرت تکرینک
مدح رسول کریم حقنده:

له هم لا منتهی لکبارها

وهمته الصغری اجل من الدهر

له راحة لو ان معشار جودها

على البرکان البراندی من البحر

قطعه سی نه لطیف و بایغدر، معنای: «رسول اکرم صلی الله
علیه وسلم اقدمزک اویله همتلری واردرکه بونلرک بیوکلری ایچون
نهایت تصور اوله ماز، اک کوچک همتی ایسه زمان آفرینشدن
قیامته قدر تمتد اولان زمان مدیدک فعالیتدن دها بیوکدر،
برراحة لطف و کرمه مالکدرکه انک جود و سخاوتک بیکده بری
قره به نشار اولنسه فحبتسرای بر، بحر بی پایاندن فیاض تر
اولورایدی، دیمکدر،

صفات صوریه و سیریسی ایسه جداً بک چوقدر، لکن
«چوغی ادراک اولنمیان شیک آزی ترک اولنماز» مثلجه صفات
جليله مبحوثه سنک بیاتی صدندنه سبط مکرم نی حضرت حسن
رضی الله عنهدن روایة قاضی عیاض علیه راحة الفیاض
حضرت تکرینک کتاب جلیل شفا ده ذکر استدیکی حدیث شریفی
سرد و اتیان ایله یورساله مزی مسکی الحتام ایلرز.

حلیه جلیله حیب کبریا علیه افضل التحایا [*] م.

قال الحسن بن علی رضی الله عنهما سألت خالی هند ابن ابی
هالة عن حلیه رسول الله صلی الله علیه وسلم وکان وصافاً وانا

أرجو أن یصف لی منها شیئاً أتعلق به قال کان رسول الله

صلی الله علیه وسلم فخماً مفخماً، يتلاً لا وجهه تلاً لا

القمر لیلۃ البدر، أطول من المربوع واقصر من المثلث،

عظیم الهامة رجل الشعر، ان انفرقت عقیقه فرق والا فلا،

یجاوز شعره شحمة اذنیه اذا هو وفر، ازهر اللون،

واسع الجین، ازج الحواجب، سوابغ من غیر قرن بینهما

[*] حلیه جلیله رسول اکرمی متضمن اولان اشبو حدیث شریف

هر هانکی مصاب و خسته نک اوزرینه اعتقاد تام ایله قرائت اولنورسه
باذن الله تعالی شفا وفاقیت یوادیکی تجربه کرده روشندلان امتدر.

عرق يدره الغضب ، اقنى العرين له نور يعلوه بحسبه
 من لم يتأمله اشم ، كث اللحية ، ادعج ، سهل الحدين ،
 ضليع الفم ، مفلج الاسنان ، دقيق المسربة ، كان عنقه
 جيد دمية في صفاء الفضة ، معتدل الخلق بادناً متماسكاً ،
 سواء البطن والصدر ، بعيد ما بين المنكبين ، ضخيم
 الكراديس ، انور المتجرد ، موصول ما بين اللبة والسرة
 بشعر يجري كالخط ، عارى الثديين والبطن مما سوى
 ذلك ، اشعر الذراعين والمنكبين واعالى الصدر ، طويل
 الزندين ، رحب الراحة ، شثن الكفين والقدمين ،
 سائل الاطراف ، خمسان الاخمصين ، مسيح القدمين ينبو
 عنهما الماء ، اذا زال زال ثقلها ويخطو تكفياً ويمشي

هوناً ، ذريع المشية اذا مشى كأنما يخط من صبيب ،
 واذا التفت التفت جميعاً ، خافض الطرف نظره الى الارض
 اطول من نظره الى السماء ، جل نظره الملاحظة ، يسوق
 اصحابه ويبدر من لقيه بالسلام ، قلت صف لى منطقه
 قال كان رسول الله صلى الله عليه وسلم متواصل الاحزان
 دائم الفكرة ليست له راحة ، ولا يتكلم في غير حاجة ،
 طويل السكوت ، يفتح الكلام ويختمه «باسم الله» ويتكلم
 بمجوامع الكلم فصلاً لا فضول فيه ولا تقصير ، دمثاً ليس
 بالجافى ولا بالمهين يعظم النعمة وان دقت لا يذم منها
 شيئاً لم يكن يذم ذواقاً ولا يمدحه ولا تقضيه الدنيا ولا
 ما كان لها ، فاذا تعدى الحق لم يقم لغضبه شئ حتى ينتصر له

ولا يغضب لنفسه ولا يتصرف لها : اذا اشار اشار بكفه
كلها واذا تعجب قلبها واذا تحدث اتصل بها فصر
بابهامه اليمنى راحته اليسرى واذا غضب اعرض واشاح
واذا فرح غص طرفه : جل ضحكه التبسم ويفتر عن
مثل حب النمام

قال الحسن فكتمتها عن الحسين بن علي زماناً
ثم حدثته فوجدته قد سبقني اليه فثله عما سئله عنه
ووجدته قد سئل اباه عن مدخل رسول الله صلى الله
عليه وسلم ومخرجه ومجلسه وشكله فلم يدع منه شيئاً
قال الحسين سئلت ابي عن دخول رسول الله صلى الله
عليه وسلم فقال كان دخوله لنفسه مأذوناً له في ذلك

فكان اذا اوى الى منزله جزء دخوله ثلاثة اجزاء جزء لله
و جزء لاهله و جزء لنفسه ثم جزء جزئه بينه وبين الناس
فيرد ذلك على العامة بالخاصة ولا يدخر عنهم شيئاً فكان
من سيرته في جزء الامة اشار اهل الفضل باذنه وقسمه
على قدر فضلهم في الدين فمنهم ذوا الحاجة ومنهم
ذوا الحاجتين ومنهم ذوا الحوائج فيتشغل بهم ويشغلهم
فيما يصلحهم والامة من مسئلتهم عنه واخيارهم بالذي
ينبغي لهم ويقول لهم ليبلغ الشاهد منكم الغائب وابلغوني
حاجة من لا يستطيع ابلاغها فانه من ابلاغ سلطاناً حاجة
من لا يستطيع ابلاغها ثبت الله قدميه يوم القيمة ولا يذكر
عنده الا ذلك ولا يقبل من احد غيره يدخلون عليه

زوادا ولا يفرقون الا عن ذواق و يخرجون ادلة يقنى
على الخير ،

قال فسأله عن مخرجه كيف كان يصنع فيه قال
كان رسول الله صلى الله عليه وسلم يخزن لسانه عما لا يعنيه
و يؤلفهم و لا يفرهم و يكرم كريم كل قوم و يؤليه
عليهم و يحذر الناس و يحترس منهم من غير ان يطوى
على احد منهم بشره و لا خلقه و يتفقد اصحابه و يسأل الناس
عما فى الناس و يحسن الحسن و يقويه و يقبح القبيح
و يوهنه معتدل الامر غير مختلف و لا يغفل مخافة ان
يغفلوا او يملوا لكل حال عنده عتاد لا يقصر عن الحق
ولا يجاوزه الى غيره ، الذين يلونه من الناس خيارهم

افضلهم عنده اعمهم نصيحة واعظمهم عنده منزلة احسنهم
مواساة وموازرة

قال فسأله عن مجلسه فقال كان رسول الله صلى الله
عليه وسلم لا يقوم ولا يجلس الا على ذكر ولا
يوطن الا ما كن وينهى عن ايطانها و اذا انتهى الى قوم
جلس حيث ينتهى به المجلس و يأمر بذلك و يعطى
كل جلسائه نصيبه لا يحسبه جليسه ان احدا اكرم عليه
منه من جالسه او قاومه حاجة صايره حتى يكون
هو المنصرف عنه من سأله حاجة لم يرده الا بها او بميسور
من القول قد وسع الناس بسطه و خلقه فصار لهم ابا
و صاروا عنده فى الحق سواء : مجلسه مجلس حلم و حياء

وَصَبْرٌ وَأَمَانَةٌ لَا تَرْفَعُ فِيهِ الْأَصْوَاتُ وَلَا تُؤْنِسُ فِيهِ الْحَرَمُ
وَلَا تُثْنِي فَلَائِهِ مُتَعَادِلِينَ يَتَفَاضَلُونَ فِيهِ بِالتَّقْوَى مُتَوَاضِعِينَ
يُوقِرُونَ فِيهِ الْكَبِيرَ وَيَرْحَمُونَ فِيهِ الصَّغِيرَ وَيُؤْثِرُونَ ذَا الْحَاجَةِ
وَيَحْفَظُونَ الْغَرِيبَ فَسُئِلَتْهُ عَنْ سِيرَتِهِ صَلَّى اللَّهُ عَلَيْهِ وَسَلَّمَ
فِي جُلُوسَاتِهِ فَقَالَ كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ
دَأْبَ الْبَشَرِ سَهْلَ الْخَلْقِ لَيْنَ الْجَانِبِ لَيْسَ بِفَظٍّ وَلَا غَلِيظٍ
وَلَا سَخَابٍ وَلَا فُحَّاشٍ وَلَا عِيَابٍ وَلَا مَدَاحٍ يَتَغَافَلُ عَمَّا
لَا يَشْتَهِي وَلَا يُؤَيِّسُ مِنْهُ وَلَا يَتَكَلَّمُ إِلَّا فِيمَا يَرْجُو ثَوَابَهُ
إِذَا تَكَلَّمَ أَطْرَقَهُ جُلُوسًا وَهُوَ كَأَنَّمَا عَلَى رُؤُسِهِمُ الطَّيْرُ وَإِذَا
سَكَتَ تَكَلَّمُوا لَا يَتَنَازَعُونَ عِنْدَهُ الْحَدِيثَ مِنْ تَكَلَّمَ عِنْدَهُ
انصتوا له حتى يفرغ من كلامه حديثهم حديث أولهم

يَضْحَكُ مِمَّا يَضْحَكُونَ وَيَتَعَجَّبُ مِمَّا يَتَعَجَّبُونَ مِنْهُ وَلَا يَقْطَعُ
عَلَى أَحَدٍ حَدِيثَهُ حَتَّى يَتَجَوَّزَهُ فَيَقْطَعُهُ بِانْتِهَاءٍ أَوْ قِيَامٍ
انتهی

اشتهیوا حدیث شریفک مآل قدسیت اشتمالی بروجه زیر
پیرایه تحیفه تعظیم و اعتبار قانندی :

حضرت حسن بن علی المرتضی رضی الله عنهما پیوررکه :
« مهر منیر رسالت صلی الله علیه وسلم اقدمزك هیئت و شمائل
منوره منی ، سوکیلی والدۀ مشفقہم حضرت فاطمہ الزہری رضی الله
عنہا بک برادر ی یعنی جناب خدیجہ الکبری رضی الله عنہا بک
فرزند بلاغت پروری هند ابن ابی ہالہ رضی الله عنہم صوردم ،
زیرا کنیدی حیاء جالیہ حبیب کبریایی وصف و تعریفده
وصاف پاکیزہ زبان ایدی . شو امید ایله کہ حیاء مقدسہ
رسول الہدین بکا بر شی وصف ایدردہ اوصفت سعادت انجامہ
تعلق ایلرم .

بوسؤال اوزرینہ حضرت هند فصاحت بیان . توصیف حیاء
شریفہ باشلا یوب دیدی کہ :

ایکی جهان کونشی صلی الله علیه وسلم اقدمز ، حد ذاتندہ
تام الحائقہ اولوب ذات شریفہ محمدیہ سہ امان نظر ایله باقانتلرک
چشم عبرتینلرندہ مہابتلی و عظمتلی کورینور ایدی . مبارک

یوزی آيك اون دردنجی کیجه سنده بدر منیر فصل یارلار و ضیا
ویررسه اولیجه یارلایوب نشرانوار فیوضات ایلم ایدی . قامت
سعادتی نه اوزون . نه قیصه اولوب ایکیسی اورتسی بر شکل
دلشینه ایدی . مبارک باشی وقار و مکات . براعت استهلال اولمق
اوزره بیوجک . صاحبی نه پک قیویرجق نه پک دوز و کوشک
ایدی . طبیعتیه ایکی بلوکه آریلورسه مبارک باشک ایکی طرفه
صالیورر . آریلورسه حالیه براقیر ایدی . صاحبی اوزادینگی زمان
قولاق مملرینی تجاوز ایدر ایدی . مبارک یوزینک رنگ ولونی غایت
حسن و صفوت اوزره کل کی قرمزیه مائل و پک آشوری بیاض
ولطیف ایدی . جبهه تابناکی کمال اعتدال اوزره کیش و کونش
کی منور و لامع ایدی . مبارک قاشلری هلال کی مقوس
واوزون و قیللر ایله طواغون اولوب بربرینه یقین ایدرسده
بتیشک دکل ایدی . ایکی قاشی اراسنده بر طمار وار
ایدی که حق یولنده غضب بیوردینی و قتده قاروب کورینور
ایدی . مبارک برونی پک معتدل ولطیف و قاشلرینه یقین بری
براز کمرلیجه اولوب اوزرنده دائما نور لمعان ایتدیکی ایچون
بردفعه کوروبده تکرار اعاده نظر ایتمیان کیسه اول نور مجسم
رحتی . یوکسک برونی ظن ایدر ایدی . مبارک صقالی صیق و تام
اولوب اوزون دکل ایدی . دو چشم خسدانینک قارمسی غایتله
سیاه و بیاضی پک آشوری براقیر ایدی . رخسار سعادتلری
اعتدال اوزره اولوب شیشمان یوزلی . یومری یناقلی دکل
ایدی . منبع علم و حکم اولان فم محترملری قوه فصاحت

و وسعت بلاغت رسالتناهیله برهان مجسم اولمق اوزره
واسع ایدی .

دیشلری اینجوکی صاف و سیرک ایدی . مبارک کوکسندن
کوبکنه وارنجهیه قدر قیلدن غایت اینجه برخط نورانی وار
ایدی . کردن سعادتلری اوزون و غایتله موزون اولوب نور
محض کی یارلار ایدی . مبارک اعضای وجودی نه سمیز ، نه
ضعیف ، نه قیصه ، نه اوزون ، بلکه ایکیسی اورتسی و صیق
اتلی ایدی . قارنی کوکسیله برابر اولوب شیشمان دکل ایدی .
جواهر اسرار الهیه نک خزینه قدسیه سی اولان سینه رحمت
دینه سی غریض و واسع ایدی . مبارک اوموزلرینک اوردی
کنش ولطیف صورتده یضی ایدی . وجود مقدسک ، منصل
کمیکلری زیاده ایری ایدی . لباس ایله مستور اولان بدن
شریفی پک آشوری بیاض ولطیف و نورانی ایدی . سینه
لطیفک باشندن نافه مشکینه قدر خط کی اوزامش اولان
قیللردن بشقه مبارک مملری اوزرنده و بطن سعادتلرنده
اصلا قیل یوغیدی . مبارک اوموزلری و قوللری و کوکسک
یوقاری طرفلری معتدل صورتده موی غبرین ایله معطر ایدی .
مبارک قوللری و بازولری طویقه و اوزونجه ایدی . ال ایلری
حساً و معنأً آجیق و وسعتلی ایدی . کرک ال ایلری و کرک
بای عرش پایهلری ، اتلی و کمیکلی و کل یاراغی کی یموشاق ولطیف
ایدی . مبارک پازمقلری معتدل صورتده قالینجه و اوزون
وقلم کی دوزکون ایدی .

حاصلی خوب ایدی هر عضو ایلک

جمله آباتی کبی قرآنک

مصدقیه اعضاء جلیله سی یومریلقدن واعتدال خارجنده.

ایر یالکدن مبرا اولوب سراپا احسن واجمل ایدی. مبارک ایاقلرینک
الهی چتور اولوب دوزدکل ایدی. قدمین سعادتلرینک اوستی
خشونتدن یعنی هر درلو یاریق و چاتلاق و پور توکلکدن آزاده
اولسیله ابدست الدقلری زمان اوزر لرند صو طور میوب
بلا توقف سرعتله جریان ایدر ایدی. اول قافله سالار انیا علیه
افضل التحایا اقدمز یوریدیکی وقت. قدم عرش یمالریخی دفته
یردن قالدیرر وایکی طرفه تمایل ایتیمکسزین آدیملری اوکنه مائل
اولور ایدی. یوریشی چابوچه و آدیملری اوزونجه اولسیله برابر
وقار و تمکین اوزره کورینسور ایدی. و یورر ایکن یوکسکدن
نزول ایدر کبی دائما اکیلور ایدی. بر جاتبه عطف نظر التفات
بیورمی لازم کلسه بتون اعضا و جسم پاکینه دونه رک ملتفت
اولور ایدی. دیده خدایینی ایله اطراف و جوانبه دیک باقیوب
نظر سعادتلری اکثر یازمین منعطف ایدی. کمال تواضع و خشوعی.
وباری تعالی و تقدس حضرتلرینه قارشی ادب و خضوعی حسیله
روی زمینه نظری جهت سایه نظرندن دها زیاده ایدی. نگاه
حتسابق اکتاهی دائما اسرار تجلیات الهی بی فکر و ملاحظه
جهته متوجه ایدی. بر محله تشریف بیوردقلرنده اصحاب
ذوی الاحترامی اوکنده یوریدوب کندیلری ارقه لرندن یورر

و هر تصادف ایتدیکی کیمسه به سلام و بر مک مسارعت بیورردی.
حضرت حسن رضی الله عنه دیر که جناب هند بدیع الیالک وصفی
بومحله منتهی اولدند کندیکن مرکزیده انیا علیه افضل التحایا
اقدمزک نصل تکلم بیوردقلریخی استیضاح ایلدی کیمده مشارالیه
دیدکی که: ادب آموزدین علیه صلوات المعین اقدمز همیشه امت
احمدیه سنک امور و احوالندن طولانی حزین و متأثر و تجلیات
رب عزتی و سرائر احکام آخرتی متفکر اولوب دنیادن اصلالذات
و راحت بولمز ایدی. لزومسز یرده بیوده سوز سویا میوب هر کلامی
حکمت و نصیحت ایدی. اکثر یا سکوتی اختیار بیورردی. سوزه
ذکر الله ایله باشلار. ذکر الله ایله ختام و برردی. بر جوق معنایی
آز سوز ایله افاده ایدردی. کلامنده طلاق و فصاحت. بیاننده
بلاغت و ارایدی. هر کسه معامله سی دل و ازان و لطف و امانه ایدی.
ملایم و متواضع ایدی. کیمسه به نظر حقارت و امانتله باقماز.
وسرت معامله ایتمز ایدی. هر نعمتی قدر آزا اولورسه اولسون
استعظام ایدردی. ماکولات و مشروباتی لذتسز لکندن طولانی
ذم ایتدیکی کبی لذتندن ناشیده مدح بیورمز ایدی. ذات
رسالتپناهیلریخی دنیاک جادومالی. وسائر درلو احوالی دارلتمز
ایدی. بر کیمسه حقدن عدول و باطله تعدی و رکون ایتسه
اولقدر غضبناک اولوردی که تجاوز و تعدی اولتان حق. هر ندایسه
یریخی بولمدجه هیچ بر قوت. خشم و غضب حق جویانه سنه مقاومت
ایده مز ایدی. حظ تقی ایچون کیمسه به انفعال ایتمز و هیچ
بر خصوصه نفس نفیس رسالتپناهینه یاردم ایتمز ایدی. بر شیده

اشارت بیورمی لازم کلسه ، ارباب کبر و جبروتک عادت خود پسندانه سی وجهله یارمغیله اشارت ایتیموب مبارک یدهایونلریله اشارت بیورردی . شایان تعجب واستحسان برشی تماشایور دقلرنده تقلبات وتقابلات کونییه ایماء مبارک ال آیه سنی جانب آسمانه منعطف ایدیسه جهت زمینه چویرور ؛ ویره طوغری آچیق بولنورسه سوی سمایه تقلیب ایلر ایدی . تکلمه باشلادیغنده باش یارمغنی صول آووجنه ضرب ایدر ایدی . برکیمسه یه داراسه لوم و عتاب ایتکسزین یالکز . وجه مبارکنی اندن چویرر ایدی . زمان فرح و سرورنده مبارک کوزلرینی یوموب سرفرو برده زمین تواضع اولور ایدی . کولسی تبسم درجه سنده ایدی . کولدیکی زمان مبارک دیشلرندن نور صاچیلور ایدی .

بو محله کلنجه حضرت حسن رضی الله عنه دیرکه .: خال محترمک حایه جلیله یه عائد اولان بو حدیثی نیجه زمان برادر جانبر ابرم حضرت حسین رضی الله عنهدن کتم و پنهان ایدوب صکره بسط و ایضاح ایلدی کمده کنیدیسی بوبابده حائز قصب السبق معلومات بولدم . زیرا حلیه مقدسه نبویه بی بدن اول مشارالیه حضرت هندن سؤال ایتمش وانک روایتیه قناعت ایتیموب پدر عالی کهری جناب مرتضی رضی الله عنه حضرتلرندن دخی حیب کبریا صلی الله علیه وسلم اقدمزک خانه سادتلرینه نصل کوروب چیقدیغنی و مجاس سعادتنک کیفیتنی و صورت و سیرتنی و الحاصل اوصاف و احوال رسول کریمدن هیچ برشی بر اقیه رق جمله سنی صوروب اوکر نمشیدی . بو معلومات تامه سنه بناء امام حسین

رضی الله عنه دیدیکه : رسول اکرم صلی الله علیه وسلم اقدمزک مهبط جبریل امین و تجلیگاه رحمت رب العالمین اولان خانه سادتلرینه کیفیت دخولنی پدر مکرمدن صور دیغمده جواباً بیوردیکه : سیدالانیا اقدمزک خانه سادتلرینه تشریف اذن مطلق خدایه مقرون ایدی . دولسرای رسالتیناهیلرندن بولندقلری وقتی ، اوج قسمه تقسیم ایله بر قسمی نماز و تلاوت قرآن کبی عبادت رب عزته و بر قسمی اهل و عیالیه حسن معاشرت و الملک ایشلرینی تسویه و تمشیته و اوچنجی قسمی نفس شریفنه عائد مصاحت و استراحتیه تخصیص بیورمش ایدی . صکره نفس نفیس نبوتیناهیلرینه عائد اولان وقتی ، کندی نفسیه ناس بیتنده تقسیم ایتمش ایدی که اول وقت خاص الحاصده حضور سعادتموفور رسالتیناهیلرینه الحق خواص اصحاب کرام کوروب عوام کیره مز ایدی . خواص مشارالیم لسان معجز بیان نبوتیناهیلرندن هر نه ایشیدرلر ایسه عوام خاقله تعلیمه مأمور اولدقلری جهتله بو نقطه نظرندن عوام دخی بو مجلس خصوصی نبویدن بهره مند فیض و سعادت اولورلر ایدی و محرم سرائر نهانخانه احدیت اقدمز اصحاب و امته متعاق و نافع اولان خصوصاتک هیچ برنی کتم و دریغ بیورمز ایدی .

شرقیاب عز حضور هایونی اولق ایستیان اصحابدن پیرایه دار علم و تقوی اولانلری جمله دن اول مظهر شرف قبول بیوروب انلره وجهه نمای توجه و اقبال اولور ایدی . تا که سائر ناس ، صلاح و تقواتک بارگاه کبریا پناه مولاده و نزد سیدالانیا

مقبول و معتبر اولدیغنی بیلوب حلیه صلاح و تقوی ایله تحلیه ذات و صفات ایتمه که سبی و غیرت ایلهلر . و دنیا و آخرته متعلق اولان امور خیریه بی هرکسک دین یولنده کی فضل و مزیتته کوره تقسیم ایدوب حسب و نسب جهتی کوزتمز ایدی .

سبب آفرینش کائنات اقدمزک حضور سعادتنانه شرفیاب متول اولانلردن بعضیسنک بر حاجتی و بعضیسنک ایکی حاجتی و کیمنک بر چوق حاجتلی اولسیله سرار شناس اولین و آخرین اقدمز حضرتلری انلردن هر برینک افادات و حاجاتنه عطف نظر التفات و اهتمام و ایفای مقتضیاتیه اشتغال بیورردی .

اصحاب کرامنک رحمة للعالمین اقدمزدن کرک دنیوی و کرک اخروی سؤال ایتدکلری شیلردن سائلک حاله مناسب و سزاوار ، آخرته یارار هر نه ایسه آنی افاده بیوردیجه جهته دایما آنلری امور خیریه ایله مشغول قیلار ایدی .

مجلس ملائک انیس نبویلرینه شرفیاب دخول اولانلرک موضوع بحث ایتدکلری مسائل دینییه کنیدیلرینه تعام و افاده بیوردقدن صکره « بوجملده هر نه استفاده ایتدیکنز ایسه بوراده حاضر بولمیانلره تعلیم و تبایغ ایدیکنز و بکا کلوب عرض حاجات ایتمه قدرتلری اولمیانلرک حاجتلینی بکا بیلدیریکنز زیرا عرض حاجت ایتمه قادر اولمیان برکیمنه نک حاجتی هرکیم سلطانیه عرض و تبلیغه توسط ایدر ایسه حق جل و علا حضرتلری واسطه عرض اولان ذاتی یوم قیامتده صراط

اوزرنده یابر جای ثبات ایدر ، خطابیله آنلره اجرای وصایا و تنبیهاست بیورر ایدی .

حضور لامع النور نبوی به چهره سای ابحال اولان ارباب حاجات ، امور دینییه دن بشقه برشی عرض ایتدکلری کبی رسول اکرم اقدمز دخی بوندن غیری سوز سویلمز و منافع دینییه و لوازم دنیوییه متعلق اولمیان بی فائده سوزی قبول و استماع بیورمز ایدی . خواص اصحاب کرام . طالب علم و حکمت اولدقلری حالده مجلس خاص الخاص سیدالانبیایه شرفیاب دخول اولوب بهره دار کمال معرفت و سعادتمند ارشاد و هدایت اولدقلری حالده اوجاس فیضا فیض هدادن چیتارلر ایدی .

نوباوه باغ اصطفی امام حسین رضی الله عنه دیرکه : پدر قدسی کهرمک سوزی بومرتبه به کلنجه رسول اکرم صلی الله علیه و سلم اقدمزک سعادتنانه رسالتینا هیلرندن خارجه چیقدقلرنده نه ایلله اشتغال بیوردقلرینی صوردم . جواباً بیوردی که : مفخر انس و جان اقدمز دایما اصحاب کرامنه فائده و یردجک سوزلر سویلر و مالایینی دن کف لسان ایلر ایدی . و اصحاب ذوی الاحترامنک یکدیگری بیتده الفت و محبتی تزید ایدجک صورتده ارازلرینی تألیف ایلیوب تفرقه و اختلافه بادی اوله جق کلام ایلله تکلم بیورمز ایدی .

هر قوم و قبیله نک کریم الطبع اولان بیوکنه التفات و اکرام ایلر و آنی کنندی قومی اوزرینه رئیس نصب ایدر ایدی . حال و شانی بیلنمیان کیسه به قبل التجربه میل ورکون ایتماک

حکمت عملیه سی مقتضای سنجه بادیه نشینان خلقدن حذر ایدوب
مکروشرلرندن تحفظ بیورمقله برابر آنلرک هیچ برندن بشاشت
وجهنی وحسن خلقنی دریغ ایتمیوب هپسه کولر یوزله و طساتلی
سوزله معامله بیورر ایدی . مجلس انور رسالتپناهیلرنده
ویاخود جامع و جمعه ده کورمدکلری اصحاب کرامنک ، خال
وشانلرینی دیکرلرندن صورار و عندالحاجه زیارت و عیادتلرینه
کیدر ایدی . واحوال و معاملات امتی دائما تحقیق و تفتیش ایله
رضای الهییه . ووافق کوردیکی شیلری تصویب و تحسین و امر
ربانییه مغایر اولان امور و وقوعاتی تقیح ایله سبب قبح و نهی
ایضاح و تبیین بیورر ایدی . هر حال و کارده التزام کمال اعتدال
بیوردینی کی تحسین و تقبیحی دخی شائبه اطرا و مبالغه دن
مصون ایدی . اصحاب کرامنک ذاتلرینه مخصوص اموردن دخی
ل دیده پوش غفلت و دوچار قور و ملالت اوله بیاملری احتمالیله
مشارالهمک مصالحدن اصلا تغافل بیورمیوب دین و دنیا لرینجه
منفعتلرینی کافل اولان شیلری یاد و کندیلرینی دائما طوغری یوله
ارشاد بیورر ایدی .

دنیوی و اخروی مادی و معنوی هر امر مشکله قارشو
عند رسالتپناهیلرنده تدبیر عاجل و علاج کافل وار ایدی .
اقامة حدود اللهده تسامح بیورمدینی کی مرتبه حقندن دخی
تجاوز ایتمز ایدی .

شریاب قرب نبوتپناهیلری اولانلر . ناسک اک خیریلری
و خیره سعی ایدنلری ایدی . نزد جلیل ختایق پناهیلرنده

خلقك افضل و اعظمی . هر که خیرخواه اولوب اک زیاده
نصیحت و ارشاده چالیشانلر و فقیر و بیوایه اولانلره حسن صورتله
اعانه ایدنلر ایدی .

سیدالشهدا امام حسین رضی الله عنه دیرکه : پدرعالیقدرمی
فخر الانبیا قدمزك مجلس ملائک انیسارنده کی عادات شریفه سندن
دخی سوال ایلدیکمده دیدی که : رسول اکرم صلی الله علیه وسلم
افدمز ذکر الله اوزرینه اوتوروب ذکر الله ایله قیام ایدردی .
سعادتنخانه نبوتپناهیلرندن غیری برلرده کندی نفس نفیس
هایونچون نشیمنگاه . انتخاب و اتخاذ ایتمز و بو حال و حرکتدن
اصحاب کرامنی ده منع ایلر ایدی . بر محلی تشریفارنده باش طرفه
کچمیوب کیف مالمفق هر نزد سنی بوش بولورسه اورایه
شرفبخش جلوس اولور ایدی . و تصدر داعیه سنده اولاملرینی
اصحاب کرامنه تنبیه بیورر ایدی .

هم بزم شرف صحبتی اولانلری سلام و کلام رسالتپناهیلرندن
محروم بر اقمیوب هر برینی حال و استعدادینه کوره بهره مند
خطاب و التفات ایدر ایدی . مجلس شریف عرش آستانده
بولسانلرک هر بری نائل اولدینی التفات حسیله « رسالتپ
افدمزك نزد همایونلرنده بندن دها سوکیلی و محترم کیمسه
یوقدر » ظن و دعوا سنده بولنور ایدی .

اول فاتحه کتاب خلقت صلی الله علیه وسلم افدمزله امور
دینی و دنیوییه دن برشی عرض و استیذان ایچون هر کیم وجهه نمای
ابجال اوله او کیمسه کندی ایستکایه حضور سعادتنندن قالدوب

کینجه به قدر صبر و انتظار بیورر ایدی . حقیقت پرور
 جود و کرم صلی الله علیه وسلم اقدمزدن بر کیمسه بر شی طلب
 و سؤال ایتسه رد و نهرا ایتوب یا حاجتی روا و یا خود وعد
 و تسلیله کوکلی ممنون و احیا ایدر ایدی . اول نور مجسم رحمت
 اقدمزک حلم و کرمی و خالق مکرمی جمیع ناسه شامل ایدی .
 اصحاب و امته بشفت و مرحمتده آب شفیق کبی ایدی . اصحاب
 کرامی نظر تقدیر و اعتبارنده حقوق جهتدن هب برابر و فضل
 و تقواده بر برندن متفاضل و برتر ایدیلر .

مجلس سعادت ایسی ، نور حلم و حیا و ضیای صبر و امانتله
 منور و مزین ایدی . حضور سعادت نشور هایوننده یوکسک
 سله لقزدی ایدلیوب صوت لطیف روح پرورندن دعا یواش
 سویلور ایدی : هیچ کیمسه نک عیب و قصوری سویلنمز
 و کیمسه به اسناد تهمت اولنمز ایدی . اصحاب کرامدن بالفرض
 و التقدیر او مجلس انسا کرمده برزله و خطا صادر اولسه فاش
 ایدلمز ایدی . سنا بیوک اولانلره تعظیم و احترام و کوچکلر درآفت
 و اکرام و ارباب احتیاجه معاونت و غربایه مظاهرت اولنور ایدی .
 ینه نور دیده زهرا امام حسین رضی الله عنه بیورر که رسول
 اکرم صلی الله علیه وسلم اقدمزک جلسایی حقدده کی سیرت
 نبویه سندن پدرا محمدی صور دیغمده دیدی که : سید الکونین
 اقدمزک روی تابناکی دائما بشوش ، خوی و معامله سی پک
 آشوری کوزل ایدی . قول و فعلنده سرتک یوغیدی . فنا
 سوز سویلنمز ، کیمسه نک عیب و قصورینی ذکر ایلنمز ، مدح

و ستایشده مبالغه ایتمز ، مرضیسی اولیان امور مباحه دن تغافل
 بیورر . کیمسه بی جود و لطفندن محروم و مأیوس قیلنمز ، و امید
 ثواب ایتدیکی فائده سز سوزلرله تکلم بیورنمز ایدی .

سراثر آموز دین علیه صلواة المعین اقدمن سوزده
 باشلاد قلرنده زانوزده حضور سعادت اولان اصحاب کرام
 سرفرو برده ادب اولورلر و گویا مرغان هوا باشلری اوزرنده
 قرار ایتمش کبی اظهار سکونت ایدرلر ایدی . ناطقه پیرای
 « ما ينطق عن الهوى » اقدمن تکلمدن فراغت بیورد قلرنده
 انلرده سوزده باشلار ایدی . مجلس رسالتنا هیده حاضر بولند قلری
 مدتجه بر برلر یله تعاطی کلام ایتزلر ایدی . ایچلرندن بری
 سوزده باشلاسه اکمال کلام ایدنجه به قدر دیگرلری صوصار ایدی .
 مجلس سعادتده کی صوک سوزلری ایلک سوزلری کبی شائبه
 ملالندن عاری ایدی . سید العالمین اقدمن اصحاب کرامک
 کولدکلری شیدن بحکم الموانه تبسم بیورر و تعجب ایتدکلری
 شیدن خاطرلری تطیب ایچون تعجب ایدر ایدی . و شرفیاب
 مجلس سعادت اولان اصحابدن هیچ برینک سوزینی کنیدیسی
 بتور مدجکه و یا قالقوب کیتمدجکه کسمز ایدی .

انتهی ما اردنا من ترتیب النقول و نرجو من محض فضل الله
 القبول و الحمد لله رب العالمین و صلی الله علی مولانا محمد
 و آله و صحبه فی کل لمحۃ و نفس عدد ما وسعه علم الله